

萊州府志



萊州府志卷之十

人物

扶輿靈淑之氣磅礴而鬱積必有魁奇材德之人生其間萊雖僻郡千百年來人材接踵而生而享大名顯當世者在國朝為尤盛編摩之下蓋不勝餘慕焉今增輯若而人統以人物槩之其餘若忠節若孝義若文學武功以及高人畸士可以類見者仍分次於後云

周

寧戚齊人未遇時嘗飯牛車下扣角而歌齊桓公聞而賢之舉

以為大夫管仲曰墾草入邑闢地聚粟多衆盡地之利臣不

萊州府志

卷十 人物

如寧戚請立為大司田授以卿位與管仲同秉政而齊大治

晏嬰字平仲夷離人相齊景公食不重味妾不衣帛祀先豚肩

不揜豆一狐裘三十年其在朝君語及之則危言語不及之

則危行以此三世顯名於諸侯後知陳氏必有齊國乃聽季

札之言納邑與政及其間也從容風議時有所匡救焉

漢

婁敬膠西人戍隴西過洛陽衣褐謁高帝請都關中拜郎中賜

姓劉包奴人寇欲擊之敬言不可帝不聽遂被圍白登用陳

平計方解歸謂敬曰吾不用公言至此乃封敬關內侯

王吉字子陽魯虞人舉賢良為昌邑王中尉王好遊獵吉上疏



諫之弗聽霍光迎立之吉卽奏書戒王王果以藩亂廢昌  
邑群臣坐不舉奏王罪過下獄吉以忠直數諫正得減死後  
復徵爲博士諫大夫是時宣帝頗修武帝故事宮室車服盛  
於昭帝時外戚許史王氏貴寵而上躬親政事任用能吏吉  
上疏切諫帝以其言爲迂濶遂謝病歸

王駿吉之子受易於梁邱賀以孝廉爲郎左曹陳咸薦駿經明  
行修匡衡舉駿有專對才選諫議大夫成帝欲大用之出駿  
爲京兆尹試以政事先是京兆有趙廣漢張敞王遵王章及  
駿皆有能名故京師稱曰前有趙張後有三王後代薛宣爲  
御史大夫至丞相

萊州府志

卷十人物

二

鄭崇字子游高密人爲丞相大車屬哀帝擢尙書僕射數諫爭  
每見曳革履上笑曰我識鄭尙書履聲久之上欲封祖母傅  
太后從弟商崇諫曰孝成皇帝封親舅五侯天爲赤黃晝昏  
日中有黑氣今祖母從昆弟二人已侯無故欲復封商壞亂  
制度逆天人心非傅氏福也因持詔書案起傅太后大怒曰  
何有爲天子乃反爲一臣所顛制邪上遂下詔封商爲侯崇  
又以董賢寵過度諫由是重得罪尙書令趙昌佞調素害崇  
因奏崇與宗族通疑有姦請治上責崇曰君門如市何以欲  
禁切主上崇對曰臣門如市臣心如水願得考覆上怒下獄  
窮治死獄中天下哀之

王崇駿之子以父任爲郎歷刺史郡守有能名建平中爲御史大夫坐論安成恭侯詛咒左遷大司農平帝初封扶平侯時莽秉政崇謝病莽遣就國崇祿位彌隆好飾車服及遷徙去囊無餘蓄天下服其廉而怪其奢

司馬均字少賓掖人隱居教授不應辟命信誠行乎鄉里有人爭競輒曰寧爲官府所加而敢聞少賓乎不直者終無敢言後位至侍中嘗督關中兵甚有紀律以衰老歸詔賜大夫祿東漢

王扶字子元掖人少修節行客居不其所在人化其德相國張

宗謁請不應欲強致之杖策歸鄉里太傅鄧禹聞其賢辟致

萊州府志

卷十 人物

三

之拜議郎永平中劉復著漢德頌盛稱扶爲名臣

公沙穆字文义膠東人習韓詩公羊春秋尤銳思河洛推步之

術隱東萊山富人王仲以百萬金與穆爲資穆曰富貴在天

得之有命以貨求位吾不爲也後舉孝廉以主事遷繪相繪

侯劉敞多不法穆苦辭極諫敞多從其所規遷步農令縣界

有螟虫食稼穆設壇謝過螟虫自銷永壽元年三輔大水穆

明曉占候豫告百姓徙居高地宏農人獨得免害有五子時

人號曰公沙五龍天下無雙

滕延字伯行北海人爲濟北相時中常侍侯覽小黃門段珪在

竊陰與濟北相近僕從賓客俱犯百姓劫掠行旅延一切收



殺數十人陳屍道路覽珪大怒訴於帝雖免後爲京兆尹  
有能名

三國

孫乾字公祐北海人先主領徐州辟爲從事嘗遣乾結袁紹及  
將適荆州乾又與糜竺俱使劉表皆如意指先主定益州乾  
自從事中郎爲秉忠將軍見禮次於糜竺

王基字伯興曲成人魏中書侍郎時盛修宮室基切諫嘗從征  
母邱儉畫策平賊遷鎮南將軍後封東武侯史稱其學行堅  
白垂稱著績國之良臣

晉

萊州府志

卷十人物

四

劉毅字仲雄東萊掖人有孝行屬清節太康初爲司隸校尉  
正豪右京師肅然武帝嘗問朕可方漢何帝對曰桓靈帝曰  
何至於此毅曰桓靈賣官錢入官庫陛下賣官錢入私門以  
此言之殆不如也帝笑曰桓靈之世不聞此言今朕有直臣  
固爲勝之毅方正亮直正色立朝累遷尚書左僕射

徐苗字叔胄淳于人累世皆以搏士爲郡守苗少家貧書執鉏  
夜吟誦弱冠與弟賈就濟南宋鈞受業遂爲儒宗作五經同  
異評性抗烈輕財貴義弟患口癰膿潰苗爲吮之兄弟皆早  
亡撫養孤遺慈愛聞於州里田宅奴婢盡推與之鄉鄰有死  
者便輟耕助營棺槨門生亡於家卽歛於講堂遠近咸歸其

義辟舉並不就武惠時計吏至臺帝輒訪其安不永寧二年  
卒遺命濯中幹衣棺棺雜磚露車載尸葦席瓦器而已

侯史光字孝明掖人受學於劉夏舉孝廉爲散騎常侍兼侍中  
與皇甫陶荀爽持節下郡邑循省風俗及還奏事稱旨進爵  
臨海侯累遷少府卒家貧詔賜錢五十萬

劉暉字長升毅之子正直有父風累遷侍御史武庫火尙書郭  
彰率人自衛而不救火暉詰之彰曰我能截君角暉勃然曰  
君何敢恃寵作威福天子法冠而欲截其角乎彰伏不敢言  
後爲左丞正色立朝三臺清肅

劉允字承允掖人舉賢良辟司空掾並不就會大亂携母避地  
萊州府志

卷十 人物

五

遼東依冀州刺史邵續續謀降石勒屑勸歸晉續從之使江  
南元帝命爲丞相叅軍王敦欲請爲司馬屑引疾不視事出  
爲豫章太守按前土豪族以法預平蘇峻以勳賜爵豐城子

北朝

唐永北海平壽人祖揣北海太守父倫青州刺史永少耿介有  
將相才讀班超傳慨然有萬里之志爲北地太守遷幽州刺  
史有善政邊匪寧謐及受代夷人擁道泣留數日始得出境

封平壽伯子陵以武藝異等遷車騎大將軍

北朝

謹承次字温恭有器量博涉經史仕周累官司空申大夫進



曾端潛伯爲六俊之最其見器重祿賜之入卽頒給宗族家  
無贏餘卒論曰方

隋

段文振北海期源人少有膂力膽氣過人性剛直明達世務初  
仕周拜柱國入隋諫煬帝寵突厥從伐陳以戰功累遷光祿  
大夫征高麗卒於軍贈左僕射諡曰襄子詮官至武牙將  
高構字孝基北海人性滑稽多智辯好讀書工吏事徵拜戶部  
侍郎斷析合理上以爲能歷雍州司馬以明斷見稱三爲吏  
部侍郎典選皆出其下時人以構好劇談頗類輕薄然內懷  
方雅所舉如房杜名臣皆致公輔論者謂有知人之鑒

萊州府志

卷十人倫

六

唐

張允濟北海人仕隋爲武陽令元武民以犍牛依婦家孳十餘  
犢將歸婦家不與民詣允濟訴之允濟令縛民蒙首過婦家  
云捕盜牛者盡出其物質所來婦家不知遽曰此壻家牛也  
左右撒蒙曰可以此牛還壻婦家服罪行人有遺袍者人曰  
吾境未嘗拾遺還取之果得舉政尤異遷高陽郡丞賊帥王  
須拔攻郡糧訕吏食槐葉藁節無叛者貞觀初累遷刑部侍  
郎封武城男卒

蔣欽緒膠水人舉進士第歷太常博士中宗始親郊祭酒祝欽  
朝建言皇后應亞獻欲册韋氏詔禮官議獨欽緒抗疏不可

諸儒壯其節累遷汴魏二州刺史精治道馭吏整嚴所至多  
政績官至吏部侍郎

蔣沆欽緒之子博學有名以孝廉授洛陽尉與兄演溶弟清俱  
爲才吏乾元中歷四縣令美政流行郭子儀軍出其境勅麾  
下曰沆賢令供億得蔬食足矣母撓其清也累遷大理卿持  
法明審時論稱平德宗出奉天奔行在爲賊所拘誓死弗變  
京師平擢右散騎常侍

王無競字仲烈東萊人大尉弟之遠裔家足於財負氣豪下筆  
成章調樂城尉三遷監察御史改殿中會宰相宗楚客楊再  
思肯立偶語無競揚芻曰朝禮尙恭敬公等大臣不宜慢視  
萊州府志 卷十 人物 七  
常典楚客怒改無競太子舍人後詆權倖出爲蘇州刺史

宋

楊澈字晏如北海人幼聰警建隆初舉進士歷青州司戶參軍  
鞫獄平允無所阿畏太祖知其名召試禁中改著作佐郎出  
知梁州令就大將曹彬分兵以行旣入境僞帥郭再興擁兵  
自固澈單騎趨壘諭以威信再興屈服土豪黎羅二姓聚相  
謀亂澈平之累官度支郎中

滕中正字普光北海人顯德中滑帥向拱辟爲記室以員外郎  
候陟薦入爲殿中丞太宗寵遇極隆雍熙春大晏上歡甚命  
中正勿劾群臣有酒失者乾明節上壽酒三行復目中正曰



更舉一卮可乎其兒重如此中正性峻刻權中丞日振舉  
憲人以稱職許之終知河南府二子立賜元晏並舉進士  
宋搏字鵬舉掖人明經術開寶間歷濰州司理叅軍鞠礪薦其  
能遷右贊善宣宗時爲河東轉運使上言大通監冶鐵盈積  
可備諸州軍數十年鼓鑄願權罷採以紓民又請糶諸州丁  
壯爲兵以增戎脩在任十一年經制漕運以幹治稱秩滿屢  
請代朝議搏善於其職加祠部郎中

蔡齊字子思膠水人舉進士第一儀狀俊偉宣宗見之曰得人  
矣除將作監丞直集賢院仁宗初兼侍御史太后崩遺詔以  
楊妃爲太后裁制軍國事齊白執政曰上春秋富豈可使女

萊州府志

卷十 人物

八

后相踵稱制乎郭皇后廢將立富人陳氏女爲后齊極論之  
并禮部侍郎叅知政事屢進讜言以與呂夷簡不相能出知  
潁州後判濰州民有告某氏僞刻印爲奸事已逾十年蔓延  
數百人齊平其獄得減死十餘人濰人德之風化大行卒贈  
兵部尙書諡文忠

蔡延慶字仲遠齊之從子舉進士歷開封府推官進龍圖閣直  
學士攝熙帥元夕張燈羌乘隙伏兵舉火內應延慶覘知悉  
斬以殉禁疆吏剽攘夏民悅服所至有惠政官至吏部侍郎  
係毓濰人有智慮居官不畏權勢彈劾交上拜濠梁節度使  
海南都轉運使

張濰以博學能文爲  
濰太守鍾撫邊陲供用  
耿敏高密人好學通六經初授  
縣尉絕奸扶弱練有能名再任  
昌樂主簿斷獄治賦吏民感服卒贈洗馬

李簡高密人天性明敏志氣遠大由舉人初知壽州尋陞鳳翔  
府同知操履廉平臨事不苟久旱薦饑至誠禱神卽大雨民  
稱頌之

孫祖德毓之子少警悟第進士爲殿中侍御史上疏論章獻太  
后當還政復論郭太后不當廢世稱其鯁直歷官吏部侍郎  
于珪江東轉運使

吳奎字長文濰人仁宗時舉五經累官至同知諫院每進言勸  
萊州府志 卷十人物 九

帝禁束左右姦倖皇祐中災異頗多奎極言其徵擢樞密副  
使忝知政事神宗欲用王安石奎言其護前自用必紊綱紀  
帝不聽後以言事議調外司馬光曰吳奎名望素重不宜罷  
去乃復還中書旣而論安石新法竟出知青州卒贈兵部尚  
書諡文肅奎少貧及貴置田以贍族黨朋友卒之日殯葬不  
能成禮

侯蒙字元初高密人舉進士歷殿中侍御史因星變疏十事蒙  
宗納之西師失利帝怒責五路將十八人皆欲宣之死蒙被  
旨按問力爲申理釋之歷陞中書侍郎與蔡京不協補外卒



次膺萊州人高宗時爲右正言力諫和議爲秦檜所怒流落者二十餘年孝宗卽位召爲中丞次膺每以名實爲言多所裨益帝呼其官而不名若成閔湯思退葉義問皆被論罷每章疏一出天下臆之渡江以後直言之臣稱次膺爲首尋同知樞密院事拜叅知政事次膺孝友清介立朝蹇諤歷任五十年無纖毫掛吏議爲政貴清靜先德化所至有聲

金

徒單克寧幼名習顯其先金源人後徙掖資質渾厚寡言笑善騎射通女直契丹文字有勇畧累樹大功官至丞相帝甚重之拜太師卒諡忠烈

萊州府志

卷十人物

十

元

王倚字輔臣掖人孝友樂易讀書務躬行不事章句世祖遷入侍東宮時年弱冠儀觀獨偉太保劉秉忠甚重之後爲工部尚書皇孫出鎮懷孟帝以倚佐之及辭帝目送之曰倚修潔人也左右皇孫得人矣改禮部尚書封太原郡侯卒諡忠肅范德郁成進孫兄德質拜東平總管府判官德郁以才行發身省掾爲宣尉都事尋任浙江理問廣谷詢寬冤滯轉兩浙都運使國計奏功召拜刑部尚書

黃福字汝錫昌邑人洪武中興鄉貢累遷江甯經歷上書論

國大許太祖覽而奇之超拜工部侍郎永樂獨陞刑部尚書  
交趾平郡縣其地命福掌布按三河事福以新造之邦新附  
之民政令靡間鉅織悉心條畫幾二十年交人戴之如父仁  
宗卽位驛召還京交人復叛命福佐柳升往討之失利爲寇  
所獲皆下馬泣拜曰公不北歸我曹豈至此護送出境歸改  
南京戶部尙書進少保屢上疏論事皆關國家機要憂國奉  
公老而彌篤卒之日家無百緡諡忠宣

侯庸字景中平度人生七歲父坐累謫閩南稍長母告之故庸  
悲痛誓贖父罪洪武間舉進士拜吏科給事中請納官代父  
辭甚哀切上憫之詔還其父庸至謫所迎歸尋陞吏部侍郎  
萊州府志

卷十 人物

十一

時學士劉三吾葛鈞授晉王世子經庸劾其怠惰溺職宜降  
別用上納其言

呂讓字克遜平度人舉進士授行人安南內侵遣讓往諭國王  
陳日焜餽黃金沈檀讓歸之曰對佗以區區之越與天子抗  
衡是召禍者也陸賈受其金以分諸乎是苟利者也王願以  
尉佗自處而以陸賈處人何其贖哉王無以對後官終僉事  
殷奪膠人洪武初貢士有才識中書左丞事關國計者輒據  
慨論列無所避時論重之

王瑄字器之昌邑人洪武初舉僑士訓導本學歷官寧波知府  
杜私謁清吏弊尤喜造就人才歲以夜分至學察諸生勤惰



郡中淫祠以葺公宇僚屬以神禍止之璉曰吾欲正人心耳神禍非所懼也卒毀之操守廉介一日饌設魚肉怒謂家人曰汝不憶食葦根時耶命瘞之人稱埋羹太守去之日行李蕭然卒祀寧波名宦

楊可久膠人居家孝友學問宏博州人師之一時縉紳皆出其門洪武初累官紹興知府

崔衍膠人洪武時任北平衛經歷以廉能陞河間知府善政著聞召爲刑部侍郎

辛曜字耿之卽墨人天性聰敏剛正好學洪武時貢以建言授吏科給事中累有政績擢陝西按察使永樂間勅同黃福撫萊州府志

卷十人物

七

安交趾軍民寧息陞交趾布政致仕卒

李公諒灘人洪武時舉賢良爲翼城知縣時兵燹之餘民不聊生公諒教民食野菜槐豆五易水煮之以濟饑民免流離驛中夜有怪使客不寧公諒移牒城隍其怪遂滅終廣州知府儀智字居貞高密人洪武初由薦舉爲本縣及莘縣學官擢知

高郵州清廉公明勤於政事永樂初陞知寶慶府未及期召拜右通政兼右春坊右中允轉湖廣右布政以言事謫湖廣都指揮使龔忠入見成祖問湘間老儒宜有存者對曰臣愚不能盡識若儀智固老儒也然坐小累斥矣上愕然卽日召爲禮部侍郎會元旦日食議免賀禮部尙書呂震以食與賀

不同時請並行之智口終屬同日免賀爲營上是之皇太子  
出閣上命選擇老成場士奇推智上喜曰得人矣智輔導十  
四年致仕卒贈禮部尚書太子少師諡文簡

戴綸高密人洪武間以儀智薦晉行在兵部侍郎仁宗爲太子  
好遊獵綸以待讀累諫不聽因具奏成祖召太子示綸所奏  
太子銜之比卽位詰綸抗辯益激切上怒筆死

戴新字景一平度人由進士累官雲南右布政兩征麓川贊督  
糧儲不乏賜資甚厚

李綱膠人由進士官兵科給事性至孝廉介儉約朝野稱之後  
卒於京師貧不能斂鄉人同仕者賻贖始得歸葬

萊州府志

卷十人物

三

滕宗智掖人舉於鄉選授御史時大難方靖朝政多闕權貴用  
事宗智正色立朝彈駁不避上疏論肅朝綱振國勢八事多  
見采納

樂瑄膠人舉進士由刑部主事遷員外郎有中貴逮獄同官顧  
望不敢問瑄毅然鞫之中貴卒服辜時大同多事楊士奇薦  
爲知府瑄依山爲壘設兵捍禦綿亘千餘里境內晏然

韓福字以德膠人由進士歷鞏昌知府入覲考廉能第一加叅  
政俸仍治鞏昌秩滿百姓建祠樹碑以誌德政官至寧夏巡  
撫致仕歸鄉不乘車馬年七十卒

歐復字本然平度人由舉人任衡水知縣務敦德化邑人懷



秩滿乞留復任九年操履如初

韓暉平度人永樂時歷官吏部侍郎公清忠亮有大臣風

儀銘字子新智之子仁宗時以戴綸薦擢給事中奉命歸祭道  
出武定察知漢庶人謀不軌奏諸朝尋果反遷修撰與修宣  
宗實錄書成陞侍講土木變起郕王監國奏權璫王振宜族  
王猶豫未決銘乃抗言曰不族若輩無以謝天下激忠義從  
之累官太子太保兵部尚書時災異迭見上言弭變之方唯  
在敬天法祖用賢納諫省刑薄歛節用愛人錄皇明祖訓一  
冊進上嘉納之及卒上震悼輟朝賜賻鈔萬緡贈光祿大夫  
左柱國太師諡忠襄

萊州府志

卷十 人物

十四

譚溥字澤民昌邑人舉進士授戶部主事陞苑馬寺少卿剗除  
馬政之弊累官陝西左布政清介自持後爲南京刑部侍郎  
卒於官

張斐掖人性敏讀書過目成誦領鄉薦第一登進士選庶常累  
官戶部郎中奉使卒於遼東及歸葬行李蕭然時稱其廉

孫洪昌邑人登進士授兵部主事奉勅征勦兩廣叛軍陞本部  
郎中尋改禮部會慈懿皇太后崩葬禮悉從其議陞山西右  
叅政奉勅賑撫河南流民處置有方巡撫大同累立邊功終  
右副都御史

毛敏掖人凝重簡默有古人風領鄉薦爲杭州府學教授

課士家居孝友忠直里黨推重之

馮績字承宗昌邑人舉進士授兵部主事劾山海關不職巡撫  
奪其官遷郎中改戶部監通徐二州租稅總管薊東邊徼以  
廉能稱內艱歸服闋出賑陝右全活甚衆累官甘肅巡撫恩  
威並行軍民仰戴焉

官廉字汝清平度人由進士歷官戶部郎中爲人剛介景州等  
處民田萬頃界接東官莊田爲內侍冒佔遣廉往勘內侍語  
廉曰田如歸我講官可得也廉曰吾豈以萬人命易一官乎  
卒以所占田歸之民事見明通紀中

宗信平度人由歲貢任潛山縣丞值歲旱率民鑿渠五十餘里

萊州府志

卷十八物

五

引塘水灌田民賴以生因名其渠曰宗渠卒於官民建祠祀  
之

李介字守正高密人舉進士由庶吉士擢御史以直諫破杖者  
再累陞兵部侍郎清簡自持不事苛刻會宣大告急奉命督  
軍至則徧歷城堡募兵訓練以俟征調大同有官田萬餘頃  
邊軍屯種後爲勢要兼并介追出其田給軍軍力得舒凡上  
邊事二十餘條多見採納卒贈兵部尙書

介誠高密人由進士累官兵部郎中事無巨細必盡心力大司  
馬余子俊深器之嘗條便宜二十事會疾卒誠天性警敏好  
學不倦及入官猶手不釋卷事母以孝稱



木溪字天章膠入杭進士由慶雲令擢御史按浙江京畿  
剔蠹大著風裁陞湖廣副使以疾歸卒

侯尙文掖人純儉好學有古人風領鄉薦授平陸令興學校補  
廢墜凡有施爲率皆便民秩滿以繼母老疾不復仕處異母  
妹恩禮篤至鄉人稱其孝友卒年八十三

邢瑾昌邑人山舉人任鞏昌府推官秉性廉介斷獄如神考績  
抵京劉瑾索賂瑾拒之棄官歸

藍章字文繡即墨人舉進士由婺源令擢御史按浙江山西彈  
劾不避權勢尋轉僉都御史忤劉瑾左遷通判撫州瑾敗復  
起巡撫陝西時蜀寇保兒掠漢中章選將練兵演諸葛武侯

萊州府志

卷十人物

共

八陣爲合變圖說出奇制勝殲其渠魁餘黨悉平官至南京  
刑部侍郎

毛紀字維之掖人舉鄉試第一登進士由庶吉士授檢討歷官  
禮部尙書兼大學士入閣典機務武宗數巡幸紀居守屢疏  
懇請回鑾武宗崩紀同楊廷和等奏請皇太后收江彬下獄  
奉還詔迎立興獻王長子嗣位後以議大禮忤旨力稱疾求  
去既歸社門不出士紳至掖者罕見其面卒之日諸子析爨  
居止數椽地不過數畝至不能自給焉訃聞贈太保諡文  
簡有鰲峰類彙行世

劉紳掖人由進士擢御史因天變陳時政多見采納按陝西刑

獄平反甚衆陞雲南副使卒於官

巨鯢之膠人登進士擢御史清理陝軍戎伍充實按貴州于戶  
王壽豪強奸法廉得其狀治之壽反爲劉瑾私人以此忤瑾  
改四川副使尋謫知桐廬瑾敗陞廣東按察使卒

官賢字汝俊平度人廉之弟登進士任刑部主事謫汝州司知  
開渠灌田貯粟濟民累陞陝西按察司僉事尋督學校所至  
有聲績

李昆字承裕介之子由進士授主事歷官都御史兵部侍郎才  
氣超邁每以直道忤時左遷者三操存端慎言動不苟有父  
風

萊州府志

卷十 人物

七

鄧中和字維節膠人領鄉薦教諭垣曲創講堂嚴束生徒教有  
威績歷吏刑二部司務忤劉瑾改國子學錄尋陞懷慶司知  
漚官清正引疾歸囊無一錢杜門不出年七十餘吟咏不輟  
後晉階朝列大夫

高迪字允德膠人由舉人令良鄉遷宛平會京輔災上疏蠲田  
租之半進太僕丞奉使宣大二鍾守臣贖百金却之守臣曰  
例也迪曰以今之却爲例於後不亦可乎其廉介如此

杜珏字庭陳濰人舉鄉試第一天性孝友與人謹信生平不  
釋卷以文章名世士林崇之

郭泉山字魯瞻掖人其母夢吞鵝卵而生資聰敏早孤事母





還之

王世臣昌邑人舉進士宰如皋清愷剛明興廢補弊至忘寢食活饑民讞大獄累被章薦卒於官

蘇叢靈山衛人由貢士任米脂令選授御史扈從武宗南征建言回籍歿祀米脂名宦

趙璧字完玉掖人生而穎異幼孤知哀毀爲人端方步趨不苟家貧事母以志養非仁人之粟不以供與妻膏寧甘蔬糲怡如也舉於鄉下唯授徒門多顯士郡守周之金固辭終身不仕

藍田字玉甫章之子神穎天成日誦數千言爲文宏肆音拔舉

萊州府志

卷十人物

九

進士除御史世廟初建言大禮廷杖幾死歸里三十餘年不入公門日與其徒講學不倦先後論薦三十餘疏終不起有集行世

王彩字白卿濰人由舉人知均州數斷疑獄境內太和山有香稅太監王佐督收幾至激變賴彩安撫始定終廣州同知

任萬里字圖南掖人幼孤事母極孝成進士初授行人使代王餽省謝却之尋擢禮科給諫直聲爲權貴所憚扈從世廟南巡從官多所凌索萬里力正之亡何以疏宮僚事忤旨歸里足不入城市唯閉戶讀書課農教子出一廡馬一蒼頭童無貴倨態薦章屢上未及起而卒





王漸滌人由進士令確山以廉潔稱選御史廉聲所至獎廉抑貪墨吏望風解綬終陝西副使晚年墨履殖交遊不苟一介鄉人重之

李源潔昌邑人領鄉薦閉戶讀書不事譴譎太守扁其門曰養恬宰舞陽精明廉謹邑有宜創宜修者咸經營如制後以非罪去官鄉評惜之

孫夢豸昌邑人由進士宰靈寶有風裁擢御史疏論乘馬觀燈以直言出知岳州府乞休歸屢薦不起

宿度字二山抄人由進士官至浙江叅政致仕晉階太僕卿性清介江陵當國招之不往人益重之

萊州府志

卷十 人物

三

楊鹽字爾貢良臣子早孤事母至孝舉於鄉授吉州學正值河東大饑陳詩勸賑尋擢沛令治行爲江北第一著有味道樓集行世

趙煥字吉亭掖人由進士令烏程擢御史按江西權豪斂跡歷任吏部尙書時太平日久朝臣黨羽漸紛煥遇喜事者悉罷

黜之又上疏請脩邊餉補諫官皆切中時政卒贈太子少保趙愷修字敬思膠人由進士令鹽城民戴之如父母擢職方郎

出知揚州有廉明聲築大堤三百餘里漕舟民田兩得其利調補大名府尋遷河南副使以親老請告歸

賈澄字本清掖人少孤順母撫弟長涉書史工顏帖藩司辟爲



掾史供事清謹郭方伯特扁清吏以表異之任樂亭幕再仕  
差封一如爲掾時雖長吏饋亦不受尋致仕子舜田爲固始  
丞亦清苦有父風

張經字子化膠人性清介以讀書講學爲務由貢任三河簿王  
田丞芮城令所至一錢不受官邸日市五胡餅不舉火直俸  
疑矯使人偵視良然乃嘆服家宰陸光祖舉天下清官第一  
遷周府長史

王邦直字子魚卽墨人歲貢任鹽山縣丞耿介自持會直指行  
部爲奏記風俗奢靡自上壞之請減驕省供以清化源因應  
詔陳十事皆議行之後罷歸殫精聲律之學成律呂正聲六  
萊州府志

卷十人物

三

十卷萬歷間翰林周如祖上其書詔史館採用之

趙燿字文明掖人成進士由庚吉士擢御史按江西以忤張居  
正歸後擢兵部郎歷藩臬清正率屬巡撫保定時朝鮮有倭  
變燿經畧倫倭十事並上言欵貢不可輕受兵部尙書石星  
一意主欵旣而封事果壞石星逮獄人服燿之先見云

齊一經灘人登進士初宰交城擢給事中奏彈不避權貴神宗  
嘉其鯁直嘗書之御屏日齊一經強口強舌仕至山西叅政  
姚德重字懷軒灘人舉進士由榆次令擢戶科給事中值聖節  
一賞賜敕戶部進銀二十萬德重上疏極諫得有報罷轉禮科  
疏請別服色正名分報可歷任俸積登田廬與其弟中分

疾家居累薦不起子宗溫亦成進士

桂字鳳翥灘人有氣節雙目如電寸心行俱下舉進士授禮部主事時科場大壞關節通神桂上疏劾其弊請覆試忤柄臣意被謫尋起仕至貴州副使

黃嘉善字唯尙卽墨人登進士初令葉歷陞大同知府會撫臣汰兵兵譟嘉善單騎入軍諭以利害皆散去明日取首亂誅之尋擢大同兵備道鎮寧夏十年晉薊遼總督旋移疾歸再陟大司馬兩受顧命卒贈太保萊陽左懋第爲之傳

韓初命掖人由舉人累官大同同知會卜石兔乞封筆寫氣貪利挾索初命厲聲曰斷寫氣頭則封成矣寫氣懼而受封者

萊州府志

卷十 人物

七

賞銀萬兩擢知安順府時洞苗作亂以計擒斬老光凹老應陽仕至山西叅政後被譴死

董基字巢堆掖人舉進士授刑部主事時舉內操行武宗故事基上疏言掇甲執戈未明入內設奸人竄入爲害巨測辭甚激切上怒謫外任後終大理寺丞

姜仲軾字希瞻掖人舉進士授戶部主事改吏部以疏論建儲事罷歸居鄉好施天啟初起尙寶司丞陞正卿卒

陳所問灘人由進士令真定興學均徭擢御史巡上下江風采一凜然

周如砥字礪齋卽墨人幼孤撫於從父母與從弟如綸友愛如



同胞成進士宮檢詞典試南畿所拔皆名士領詔齊魯藩  
遺不受轉祭酒移疾歸居村墅謝絕城市至桑梓利弊輒昌  
言之卒贈禮部右侍郎

史載勲字龍椒昌邑人領鄉薦隱居不仕竭力事父母嘗祭消  
水患策救荒歉有著述行世卒之日邑令周學閔私謚曰文

周維翰掖人由舉人知泌陽縣革除里催之弊嘗單車巡郊外

凡地荒不治者督令墾之泌爲裕確申舞孔道馬政繁劇里  
下更役甚苦維翰調劑得所民稱便仕至廣南知府

于從政膠人領鄉薦授清河令清邑南臨衛河河決十三處宜

萊州府志

卷十 人物

七

抵城下從政倡衆澹之水患平

高鏞字淑振膠人由進士任大同推官時代藩有廢嫡立庶之  
舉鏞毅然駁正之仕終分司

徐廷松掖人由舉人任容城令征糧有法絕里書侵欺科歛諸  
弊歲歉積穀七百石半價糶之復買百牛以助不能耕者民

賴以濟容人建祠祀之官至永平知府

王肇生字子產掖人領鄉薦由部郎擢潞安兵備道降流賊百

餘人與其甘苦皆樂爲用每擊賊輒身先之嘗大敗賊於

一于鎮卒贈太常寺卿

重慶字耳枝掖人舉進士由獻令擢御史以不附魏忠賢斥

歸崇正改元再起御史上言逆惡誅極少雪人恨神奸漏網  
難緩天刑通國但知崔呈秀爲魏忠賢假子不知有李永貞  
爲之軍師劉若愚爲之鍛鍊李實爲之羅織乞立賜處分疏  
入俱逮治之歷大理通政陞戶部侍郎壬申孔叛圍萊三疏  
請兵得旨調關寧兵入援圍得解方援師未至兵部熊明遇  
主撫甚力重慶主勦力爭不得遂一憤而死

宋統殷字獻徵卽墨人舉進士由戶部郎出守淮安淮故多例  
企立除之白蓮猖徐沛擢監軍淮海指蹤授方畧甫旬月而  
寇平遷冀北左轄會秦中王英二渠賊掠河東命撫山西擢  
甲陳戎三奏大捷恢復河曲巨兒趙子學嘯聚謀逆奉密旨  
萊州府志

卷十 人物

壹

擒之餘上鎮脩戢寧諸長策周延儒柄國悉格不用尋致緩  
德紫金梁等以數萬東渡時兵瘁食殫統殷慷慨奮厲殲之  
陽城殲之高平殲於豫之修武賊大創遂請於朝爲廓清計  
疏三上延儒復抑之尋誣以玩寇罷歸統殷不能辦賊屢見於史此仍原傳書之  
賈毓祥字四塞平度人登進士歷宰太谷安陽有政聲擢御史  
時熹宗新立上疏請勤政不報未幾邊事日亟毓祥條畫戰  
守無虛日巡按廣西抵任卽劾撫臣罷之安會作亂南丹州  
土官莫懌受其僞封一時人情如沸乃部諸酋長精兵會  
立其弟伋洵洵者遂定再按應安諸郡丰采稜稜贖緩二  
盡付有司不繇毫自潤也予告歸崇正改元起左副都



宋幾致仕卒年九十二

張福臻字澹如高密人由進士歷官榆林道時流寇充斥福臻督兵敗黠燈子於鄆延恢復中部縣以功晉延綏巡撫平賊渠神一魁等崇正辛巳總督薊遼軍務壬午加兵部尙書以親老辭歸是年冬高密戒嚴福臻與仲子文明晝夜登陴被傷仆地文明趨救福臻曰速退敵勿顧我文明殊死戰額中兩刃不爲却城賴以全邑令何平磨石誌之

林文蔚字君豹掖人由鄉舉累官潞安知府值歲饑煮粥賑之全活甚衆高平澤州奸宄聚餓民作亂乃檄守備擒其渠魁餘悉撫之尋擢保定副使終養歸卒年九十四

萊州府志

卷十人物

五

王應豸字惠文掖人由進士授戶部主事黔南亂發帑金十萬犒軍命應豸往至則授方畧黔亂平晉郎中治永平餉遷關內副使首劾貪弁巢丕昌濬關城外涼鑿山成渠環數十里崇正初擢薊門巡撫部卒索餉而譴參將徐從治已爲用散訛傳應豸置毒飯中將誘而盡殺之諸軍復大亂帝命巡按方大任廉得其剋餉狀速繫論死

黃宗昌字長倩卽墨人舉進士知雄縣下車卽收豪族奸橫者寘之法時魏瑞勞方燭所在建祠頌功德昌獨不爲立祠調清苑崇正改元擢御史首劾權閹又疏糾閹臣票議按楚決岷藩獄忤執政歸有疏藁因人成事錄勞山集恒山遊草

郭竹徵膠人由進士授戶部主事督餉出遊節浮費歷官山西  
叅政值流寇肆掠擐甲堵勦斬賊王加卯又降點燈子母喪  
歸

姜兆張字省守掖人由進士知三原縣下車之日問疾苦鋤強  
暴頗著風節徙長安令士庶擁車悲涕後陞憲副以勞卒原  
民立祠祀之

宋可久字柱石膠人舉進士授行人擢給諫時流寇倡獮劫首  
輔周延儒勦禦無策不報壬申請纓解萊圖語甚激切

楊琦灘人由進士宰東鹿東鹿當沱決遷徙之餘撫綏安集愛  
萊州府志

卷十人物

毛

民如子築城禦寇懸賞格捕盜寇盜相戒不入境洺邑二年  
以焦勞致疾卒士民皆巷哭送葬至灘者千餘人

張爾忠號補袞灘人舉進士宰臨漳累遷陝西巡撫時流寇縱  
橫且撫且叛上言河北之賊以撫南渡棧道之賊以撫西逞  
張獻忠等又以撫思割地是在處之以兵耳夫寇在豫爲井  
中之獸渡河而南則出柙矣倘再渡而北耽耽楊旁將有不  
可言者疏入不報謝病歸壬午遇變與薦紳胡振奇王縉宋  
翼明等協力防禦城賴以全所著有知漳罪畧平臺召對撫  
奏疏畧等集

周鴻圖卽墨人以貢授畧陽令旋調宿遷時白蓮教竊發練鄉



不期年民親愛之。值西陲用兵，調督軍餉，以勞瘁卒官。

趙泰臨膠人，成進士，選庶常，晉檢討典試雲南，屏絕陋規，空橐而返歸田。後杜門課子，儼若寒素。會蛟水泛溢，田廬漂沒，無筭。臨倡議輸粟，日從當事煮粥食飢民，六閱月而始罷州人德之。

毛貢字九來，掖人。父霽有學行，爲諸生，祭酒貢幼，擅才譽，明習文法，由舉人宰天長，除黨禁，雪冤獄，廉靜不煩，民愛之。如父母，振興文教，月有課，季有考，其才而能文者，餼廩之士氣益奮，以治行擢刺潁州。一切爲民害者悉去之，無故自盡者立

萊州府志

卷十 人物

七

行押理曰：吾以戒民輕生也。奸民誣控者，定究唆訟曰：吾爲爾民去蠹也。後引年致仕，士民遮道泣送數百里，不絕掖舊無志貢網羅掌故，成掖水志林一書，惜燬於火，自餘著述甚多，名載別錄中。

王鼎圖掖人，父烈性至孝，以進士家居，遭親喪，哀毀而卒。壯圖亦舉進士，任行唐令，甫下車，卽減耗羨三分之一，除陋規數千，有尚勒石示後。又建玉成書院，課士文教，聿興奏最，擢主事，以養母告歸，卒於家。

正士炳字維章，掖人。由進士授滑令，時值飢，民轉徙，士炳招集流亡，捐貲賑給，藉以全活者甚衆。又延名宿教授諸生，設義

勇却之累遷平越知府值長田苗叛不三月縛其魁擢叅政  
勺哈苗復起亦不兩月掃平之崇正庚午山西流寇王嘉任  
破河曲據其城復奉詔收之星馳就道至卽敢其城曰十日  
可拔果八日而克留鎮奇嵐歷任陝西副使以病歸

王文昭膠人性孝友好讀書由選貢任宛平縣丞尋擢松江府  
通判潔已愛民郡人有神明之頌卒於家

楊兆鯤鹽孫以貢任亳州判時桂王就封所過郡邑例出夫五  
百中貴挾威他邑賂不如意遇深險輒督夫入水拖舟溺死  
無筭鯤乃傾橐賂之毫衆得全部歸州人感泣後遷雲和令

卒

萊州府志

卷十 人物

天

孫繩武卽墨人任米脂令直指薦其才擢西川同知授軍前監  
紀嘗單騎招安滿天星過天星等上招撫條議八款皆議行  
之尋以勞瘁卒於軍

范德顯卽墨人慷慨有籌畧嘗代闔族納丁賦者八年任居庸  
關通判時流寇猖獗顯至繕城堡治軍實製器械寇知有備  
不入境尋知延慶州遷西安同知所至有聲

國朝

李嗣字龍衮高密人明季頌鄉薦國朝仕至兵科給事中性  
耿介不畏權貴遇事敢言人咸憚之或公卿有通賄者輒相  
戒勿令山東二李知一謂掖侍御森先一謂嗣也特述遺



方嚴一夕容留罪以窩一案起株連殘破數十家臺省無  
敢言者衲獨草疏累千言上之當事者惡其直奏置重典

世祖弗許請戍奉天歲餘上偶閱楊忠愍傳曰此忠臣也如  
李衲者庶幾近之遂下其疏命寬逃禁衲未及起用而卒詔  
歸其櫬

李森先字琳枝掖人登前明進士順治初授監察御史鯁直敢  
言不避權貴迺按蘇松等處墨吏望風解綬以失出被逮部  
民代爲奏請事白復原官

張忻字靜之掖人登前明進士由縣令擢吏部主事以試事逆  
中貴指謫歸會登叛圍萊倡守捍禦首捐數千金佐軍需事

萊州府志

卷十人物

无

賴以濟尋起累遷刑部尚書入國朝任天津巡撫時邢家  
新造津門當南北之衝靖寇盜安反側屹然爲一方重鎮未  
幾引疾致仕卒於家

張端字中柱忻之子生有異徵讀書過目成誦明季成進士選  
庶常遭闖賊之亂奉父歸里順治初徵授檢討典試江左號  
稱得人旋晉禮部侍郎起拜國史院大學士會有旨逮深  
一陽相國驚悸而卒時年三十八贈官保諡文安

陳調元淮人前明舉進士官寧津令殲滅寇盜以振興文教爲  
一已任甚著聲績考最擢刑科給事入國朝累轉都給事中  
數上疏指陳時政緣事鐫秩降補行人司正致仕歸

王舜年字永祺掖人少孤事母以孝聞舉進士選人翰林累遷中九分校禮闈所得皆知名士秉臬江西平反江上數大案全活甚衆擢山西右布政以家產舊案劄籍歸三藩亂起補辰沅副使贊畫軍中機務甚著勞績尋轉蘇松督糧叅政復以註誤奪職生平風節凜然遠近推重之

法若貞膠人舉進士初授評事擢給事上言鄭芝龍怙惡百姓受其荼毒而驕兵悍將又往往出師無律宜嚴飭文武諸臣大宣德意共凜法紀疏入從之餘所論奏亦多允行累官至叅政

法若直字漢儒震之子以五經特薦與若貞同舉進士授庶常

萊州府志

卷十人物

三

歷侍講以才能出補閩南道值鄭賊逼城與守將堅守二月賊解去尋擢浙臬擒太湖盜何倫承讞諸大案事多平反旋任安藩以商緝註誤歸有黃山詩留行世

單若魯字拙庵高密人進士由庶常陞至國子監祭酒分校已丑禮闈甄拔多名宿歸里與人欵曲不立城府人稱長者

藍潤字海重卽墨人進士自庶吉士歷陟侍從督學江左務拔寒峻轉福建右叅值海寇攻榕城率衆守之城得完又補廣

東左叅招降蘆田橫水諸寇尋秉臬江南轉楚藩吏議前鞫

失守事坐劄職歸

陳兆鸞濰人登進士累官彰德太守政治廉明所至有聲績



趙壽字霞滑膠人由進士註寧菴歷鄖襄守道擒邢教李介誅之轉黔學使再遷廣道糧道輓輸佐平藩著勞績告終養歸

宋可發膠人由進士選將樂令有惠政山寇歿服歷臬晉蜀獄無冤抑擢粵東布政三口告病歸卒

王洵字大允維人由進士會昌時兵燹之後民多窟匿城市入烟甚稀洵招徠撫集復捐金建治廨繕葺城垣臨事裁決明斷有餘奏蒙擢工部郎中會民感之立遺愛祠

王煊崑字雲芝掖人由恩貢授贛令愛民課士教養兼舉有古良吏風

萊州府志

卷十 人物

三

王垓膠人家貧力學聯第春官授行人奉使琉球宣布朝廷威

德餽遺一無所受累第戶科給事中乙卯典試浙江所授皆宿學老儒文風丕變第分巡寧紹卒於官

張應桂膠人登進士選第常晉編修時明臣左懋第子孫久徙海上值世祖皇帝第開言路遂有廣勵忠孝之疏雖鐫級

調用而卒回天聽懋第子孫得還故里桂之力也後以光祿丞告歸

李士樞高密人登進士初在桐栢令調宰盧龍所至有惠政去之日民遮道泣送者數年人仕終大理評事

王如辰人進士初授第瓊令交有積寇時時政劫為害如辰

之任七日卽設計擒渠魁王國憲正法邑患虎爲文檄之  
逸去擢戶部主事歷郎中督學廣西時值兵燹學宮茂草如  
辰皆倡修一新復於桂林建華掌書院擇諸郡名士讀書其  
中所造士獲雋者甚衆刊大家文爲諸生鵠粵西風氣一變  
黃貞麟字振侯卽墨人舉進士授鳳陽府推官時值大獄蝟紛  
如海寇逆案逮及失出守令通賦案逮及諸生百人切鞫案  
逮及他鄉紳士凡有承審皆虛心研詢無辜株連者多省釋  
以推官裁改令鹽山擢戶部主事爲倉務註誤歸卒大學士  
張英志其墓

張志禧字澹修昌邑人淮土天性孝友多籌畧宰高陽政治嚴  
萊州府志 卷十人物 三

明賊盜相戒不入境擢督捕主事有緝逃妄言行世尋擢吏  
部主事至郎中移疾歸

黃運啟字鏡湖昌邑人舉進士授新昌令詳豁浮糧三千兩擢  
兵垣歸卒祀新昌名宦

王鳳昌高密人事繼母以孝稱由翰林累遷禮部左侍郎居官  
廉介甚著風節

任珩高密人由進士仕至江道御史正色立朝遇事敢言康  
熙己未年邑大饑捐穀千石全活甚衆又捐千金修學宮

吳入至今稱之  
李岱生字紫峰高密人自幼習學有文名由進士任長樂令



經遷徙之後戶口逃散徭役繁興俗生力除空丁六千餘民  
困以紓然竟坐此免官邑人立生祠祀之

周日燦卽墨人任順德司李諳奸宄清獄訟境內肅然會晉寇  
起畿內震驚邢尤無備衆議棄城遁力禁之率將士枕戈城  
頭邑賴以完擢處州府同知仕至廣南僉事

藍深卽墨人有至性邑令嘗舉其孝行令臨淮漕鍋鐵口以通  
商賈有大盜未獲臺使掠治小盜令自誣服屬縣速斃之以  
滅口深不忍以人命悅上官遂投劾去嗣子啟晃仕蒙陰訓  
導以孝謹稱

趙文熙膠人弱冠登第選庶常累遷侍講典試粵東事竣過豫  
萊州府志

卷十 人物

垂

章時寇犯高雷房師潘已故家口被掠文熙留十日備價贖  
還復解橐置產拜其墓而後行人多其義

郭琇字華野卽墨人生而端凝羸毅樸直由進士令吳江七年  
弊絕風清以薦授監察御史甫入臺有河臣蠹國疏擢僉都  
有大臣結黨疏再晉總憲有近臣招搖疏三大疏出都下肅  
然天下皆想望丰采尋爲怨家所中罷職家居已復起爲兩  
湖總制墨吏皆解綬去每陳地方利弊格於部議抗章爭之  
如城更名田租一疏凡三請乃報可後乞休歸里盡出俸金  
以周族黨歲饑賑給全活尤衆崇祀名宦鄉賢

清霖字陸阿昌邑人性孝友好學善屬文也

部員外翁作霖與兄同舉於鄉宰安遠有善政民甚愛之  
以哭母而卒

張志棟字青樵昌邑人登進士選入翰林以薦除御史性疆直  
遇事敢言凡五歷諫垣疏數十上外糾貪吏內指大臣人咸  
憚其風節累遷江蘇布政使東南賦繁重宿逋山積而高郵  
潁淮一路版荒數百頃賠累尤酷志棟力請於撫軍題豁之  
民困以蘇擢撫入閩歷浙江江西皆有威惠會與督忤中察  
典歸無何召爲大理卿尋晉刑部右侍郎坐薦舉事褫職罰  
修通永河以憂卒

高曰聰膠人登進士由戶部郎中督學閩中甚甚直絕請許凡  
萊州府志

卷十 人物

七

所甄拔強半寒峻知名士而於先賢後裔築墓祠宇尤所加  
意又置學田以贍貧士八閩士子至今頌之

張洽膠人登進士初令永寧勸農桑修學校教化大行以治行  
高等擢監察御史遇事敢言無所撓避所陳諫草皆傳誦海  
內

黃大中卽墨人由舉人任武康令絕請託禁私派屢雪冤獄一  
時有廉明之頌

黃貞泰卽墨人由副貢令南部時吳逆始平諸受僞命抵罪者  
甚衆力爲洗雪多所全宥後爲鎮江同知罷歸嘗遇歲凶出  
粟數百石活飢民又嘗貸粟引營卒之變民賴以安



趙泰壯膠州人以進士任金華令廉介自持刊先賢何王金  
正學淵源並鄭懿忠公文集以廣其傳復呂成公祠胡文定  
公書院又建滋蘭書院設四鄉義學一時文教聿興擢湖州  
府同知以憂歸哀毀逾禮年未及艾而卒遠近惜之

李華國字端甫高密人登賢書由教諭遷阜城令訟至立爲斷  
遺案無留牘葦里老催糧之弊設滾單法令民自輸民不擾  
而賦辦阜爲南北孔道往來者率取民車牛以供貧者或賣  
牛不足以償華國立除其令有所需則酬以直民咸德之鑄  
其事於石後以老病告歸士庶泣送者數千人

傅震楹字文友高密人登進士選長樂令長邑屢經兵燹田賦

萊州府志

卷十 人物

三

錯亂弊竇百出宸楹親爲查勘凡兩閱寒暑積弊爲之一空  
其俗遣嫁競侈費往往破家以故生女多溺死楹下令溺女  
者以故殺子孫論復取家禮所載婚儀約舉數條榜於通衢  
有爭財禮粧奩者罪之由是士民感悟丙子入闈分校所拔  
皆知名士尋卒大學士李光地爲立傳

王懿膠人積學工文成進士由翰林改戶科時陶和氣貪橫不  
法舉朝無敢言者懿特疏發其奸時論壯之晉京兆尹轉廷  
尉旋以少司空督屯西陲歷原隰勤勸課蝗蝻爲災禱於神  
一夕盡蠲憲宗皇帝嗣位念其効力有年召還供職意  
邊塞勞勩卒於蘭州遣表至賜祭葬如例



任坪字萊峰高密人成進士由行人選御史忤剛直遇事務  
言人目爲真御史後以建儲疏忤 旨謫絕塞者六年歸里  
後足不入城市唯以圖籍自娛遐邇咸敬慕之

單疇書字礪峰高密人登進士初宰靖江歷延川贛榆所至有  
聲績行取監察御史威望甚著豪猾皆歛避輦下肅然出爲  
寧夏副使轉洮岷著有良法十條民便之召補卿秩累遷少  
司農奉命往寧夏揮漢托護開渠百餘里經營重率饑者不  
少休以勞卒訃闕賜金優卹

周祚顯字星巖卽墨人由進士令富川清賦額革科派勒禁於

石宿弊豁然九年考最擢戶部主事轉刑部郎授監察御史

萊州府志

卷十 人物

五

時旗代民訟差提騷擾顯首疏禁戢之他所敷陳皆切時政  
後出爲興泉道罷歸

楊玠卽墨人生有夙慧六歲作泰山頌以神童名弱冠成進士  
宰贛縣清廉愛民斷訟如流遇編審民間例出二千金爲上  
下費悉罷除之邑民盧惟忠聘妻童養未婚將賣以償父債  
玠知之爲代償且與錢布畢其婚後以增鹽引事爲民請甦  
忤臚使意罷歸贛民立生祠祀之所著有清溪文集

蓋啟延潤之子三歲而孤父事嫡兄啟亮終其身無忤色兄亦  
教誨撫摩恩勤篤至閭里稱二難成進士初令乳源潔已愛  
民薦循良第一會丁內艱去再補西和和故隴右僻邑喜述



學十六處絃誦之聲聞於四境會督運安藏糧餉出入蠻烟瘴海中以勞瘁致疾比逸滑復際水患一切興版築賑飢民皆力疾從事未幾遂卒滑人哭甚哀爲立祠奉之

黃鴻中字仲宣貞麟子生平孝友肫篤視躬接物力追古人晚始成進士由庶常累遷侍讀學士視學楚南督楚者視知奢乏迎謂曰校士須幕客費苟募書役可得數千金盍圖之謝曰使者以老書生受主恩遇誓不以纖毫辱國不以諸生市乃書役市乎楚督改容稱嘆所至遼寒峻課實學文風翕然稱盛尋以羸疾告歸逾年卒所著有容堂集燕遊記

黃德弼字修九昌邑人官蘄水令以廉辨稱尋遷羅平牧羅俗

柔州府志

卷十人物

七

近苗不曉禮法亦不以農桑爲事異於東作時其壺飡歷郊原聚父老勸諭之由是穡事大興復崇獎孝義以爲風勵民俗不變後告病歸卒





三手浮海直擣萊淄朝廷  
臣疑事露欲引决航日事覺  
臣獨死君臣事卒兵

最全灘人建炎初為瑞州都監金人寇江西守臣遁走全攝與

事有盜祝生者攻州全拒之且戰且前至萬載兵少力能而

帝敗賊執之不屈劄其腹際幾餓南琛會督銀軍散獲兵既

屬中世居濰州當韓浩被圍時率家人乘城拒守中弟辛家最

富盡散其財以享戰士城陷中闔門百口皆死紹興六年以

周事請贈官

李瓊濰州人元太宗時襲父全職為益都行省元數徵兵辭不

至以京東歸宋元命史大澤

大明湖水淺不得死為元兵所獲支解之事聞贈瓊檢校太

師賜廟額曰顯忠

鄧璫高密人洪武中舉於鄉教諭南和會署縣事靖難兵起璫

堅城固守因坐謫戍興州卒

張文炳掖人舉鄉薦由教諭歷官安樂知州時開原告急居官

者多首鼠竄文炳欲告終養其父維興馳書止之文炳得盡

堅意守城城陷慷慨就死贈僉事廢一子炳弟文煥出處

令興濟乙卯城陷與子承正同



池歸撫養人稱一門忠節云

高崇圖字種齋膠人登進士中書擢御史天啟初劾免官

方從哲會王恭廠災上言請寬刑獄時魏璫方矯詔逮楊在

諸賢以宏圖陰為之地遂籍歸崇正收元復起御史劾璫

天府丞劉志選太僕少卿梁夢環巡撫劉詡璫得旨逮治

累遷工部侍郎時中貴張奕憲奉勅督部事欲其坐堂上宏

圖疏爭之有旨徹彘憲席奕憲請別開府檄召侍郎計事宏

圖稱疾不赴疏七上再削歸壬午故里戒嚴破家懸賞格

練義勇日夜登陴堅守城徼不可下事聞召補南京兵部侍

郎尋陟戶部尚書會流賊犯闕史可法倡義勦王宏圖措置

萊州府志

卷十一

忠節

三

一 芻粟浮江入淮以佐之 元時為大學士勞亡不食九日殤

於會稽子則之先卒子端張氏扶輓歸里以貧故至康熙壬

戌年始克葬

單崇字景姚高密人舉進士累官戶部郎中督遼餉以幹畧稱

艱歸絕意仕進崇正甲申勸逆偽官孫握玉至崇倡義擒逆

下獄土寇陷城破獄出偽官執崇使跪不屈死之同時有劉

廷選閔真廩生張所性俱以守城遇害

孫澤盛字繩之萊州衛人領鄉薦累官鄧州知州崇正時流寇

充斥出沒中州鄧尤號寇數澤盛日夜登陴守城既而城陷

守令學厚僕揚一美義五百人啟關逆戰手刃數賊賊



死無一肯生還者

畢拱辰字星伯掖人舉進士

不羈崇正時流寇陷太原

何為拱辰曰正欲試此新

如此

錢祚徵字君遠掖人由鄉舉

往來孔道祚徵令民千家

一計從間道擣賊巢穴大破

徵中流矢力疾乘城賊以

萊州府志

卷十一

節

月初四日大風竄賊以

風逆火返樓櫓盡焚賊乘

火炙烙體無完膚罵不絕

啟泰令伊陽亦不屈而死

史欽明昌邑人領鄉薦官代

同年李治躬等併力守城

亦同時被害

王重光字海日高密人由鄉薦

京師重光矢志復仇為長班

每百端欲降之重光張目

曰臣力竭矣遂死時

任山西冀寧道好學為詩文奇放

被執視賊所佩新刀賊曰覓此

刀耳賊即舉刀刃之其就義從容

任汝州牧汝當南北之衝為流賊

竝一集有急鳴鉦相救及時出奇

之策正十四年正月流賊圍汝祚

飛礮擊城墜碎即以土囊蔽之

箭射城上城上以萬人敵燒賊會

火登城祚徵被執使降不屈賊引

首而死汝人立廟祀之時同邑唐

所知州崇正十五年歸里遇變與

俱殉難諸生宋奇英宋奇士

累官戶部員外崇正甲申闖陷

馬奇所首賊執重光發劉宗敏

曰吾愛國重思恨不能

賊肉吾身安可降耶遂絕吭而死賊怒暴其骨京師其子庠生尊德亦死國難事載高密全城記事

傳鍾秀字海峯高密人登進士累官太常寺少卿母喪歸甲申

之變鍾秀日夜號泣鬚髮一夕盡白僞爲官孫握玉來視密

篆鍾秀與同里單崇合謀起義擒宦於獄俄而土寇張輿黨

逆破城出僞令執鍾秀等鍾秀知事不濟大罵不屈而死仲

子稟初以身翼父亦被害

周而淳字季玉掖人父維翰出守廣南以子而厚從中道皆殉

而淳聞訃徒步往扶兩輓歸里人高其行舉進士宰河內時

流氛蔓延道殣相望而河內尤甚而淳平糶賑濟運他郡粟

萊州府志 卷十一 忠節 五

以食餓者民稍蘇尋擢兵垣奉命視兵河間守城三日城陷

不屈殺之碎裂其屍棄城下事聞贈太常寺少卿廕一子入

監

何復字貞子平度人由進士宰嵩縣流寇猖獗日夜圍攻復言

矢石捍禦四年城賴以全再調英山尋擢工部主事出知保

定府時流寇北侵乃兼程之任誓衆櫻城而守城陷被執曰

我知府也有死而已賊義之棄去復題壁曰何復死難處不

食死

紀懋勳字參乾膠人領鄉薦授鹿邑令鹿邑當河北之衝是時

流賊袁老山袁時中橫行間歸間懋勳倡立義勇營修城壘



崇正壬午袁時中以十萬壓攻懋勳率義勇出戰殺數千  
賊懇於李自成羅汝才合其神槍精甲晝夜夾攻城上砲矢  
殺賊而肉薄以進者愈多城遂陷懋勳巷戰中刃知事不可  
爲乃懷印拜關自縊於堂楹

王漢字子房掖人本名應駿爲兄應豸死劄遂更名漢蓋懷于  
房報仇志云成進士令高平調河內河內大饑繪飢民十六  
圖額闕請蠲不報於是貸金易粟假築城濬池之役日傭數  
千人食之全活無筭累擢巨寇劉二甫王任楊六郎等俱以  
奇險奏功李自成圍汴急漢率親兵救之圍得解行取入京

召對陳勦撫機宜授御史監左良玉軍尋改按豫而汴城已

萊州府志

卷十一

忠節

六

一 昭漢日夜督諸將渡河入汴追餘賊朱仙鎮連戰皆捷擢撫  
一 河南降大盜李魁袁時中等十餘萬分部守各關隘會總兵  
劉超反永城漢勒兵進勦降之薦紳練國士丁魁楚開門納  
漢軍方坐城上發免死粟超黨猝發遂遇害叅將陳治邦漢  
擊連光耀及家人劉璽張金皆戰死遊擊馬魁冒死入城召  
屍出斂於夏邑河南北士民皆失聲哭土開震悼贈兵部尙  
書子棠世襲千戶先是超反密旨以策授漢乃爲本兵所獲  
以故終墮超計云

一 王浩字集生掖人舉進士崇正甲申間京師陷誓爲君父報  
一 去母至金陵授壽昌府推官受事之日蠶其母及少子於

廣昌陳氏與副使王養正右藩襄陽等併力守樂城  
孰不屈逮至武昌又不屈死之曰烈竄大作白晝椽昏母程  
氏亦觸石而死楚人哀而瘞之詳具南昌裏如瓊傳坤

林懋先掖人以貢教諭歷城崇正己卯城將陷守陴者曰公無

封疆之責盡去諸懋先叱曰國家養士正在今日吾官雖微

誓與城共存亡流矢踣巢而死子文蘭以身蔽父亦中流矢

死孫篤生哭尋斃骸被執不屈亦死之專開顯士貞武顯

甯汝環灘人崇正時以貢任隴州判署州篆時流寇陷城不屈

而死事聞贈旗手衛經歷時同縣魏國輔以國子生任永城

縣簿亦城陷不屈死崇正時以貢授鳳陽通判分守潁州時

萊州府志 卷十一 忠節 七

趙士寬字汝良燿之孫崇正時以貢授鳳陽通判分守潁州時

流寇猖獗士寬悉力為守禦計城陷赴黑龍潭死妻崔氏偕

二女登樓自焚死僕王舟徘徊潭上不忍去賊詰舟舟大誓

曰吾主名家子豈從汝也賊怒支解之事聞贈士寬光祿寺

丞妻崔氏贈安人命有司立祠祀之

姜元佐掖人以貢任滕縣訓導崇正壬午城破自投城下而死

崔維崱字雲璉平度人由拔貢官安州知州崇正十五年闖寇

環攻城陷崱至州署見妻卒于婦陳皆縊死乃仗劍率眾巷

戰被執逼索金帛崱怒曰我為朝廷命官肯賄爾求活耶遂

以事聞贈山西按察司僉事命建祠祀之



...度人官汝寧府照磨崇正壬午攝正蔡...  
駐城南縱兵掃掠入營貴良王以大義冷遣所掠...  
得兵皆弓刀相向象袒腹當之不敢加害後良王移營去營...  
賊翼一龍寇生蔡象出禦之不克陷陣死

高維岳君魁人崇正壬午以貢授孟隸永清令視事甫旬餘城...  
被奪之東華縣人崇正壬午舉而...  
尚第光千度人由拔貢官南召知縣值流寇陷城劫之授偽官...  
不屈死

高濂字心印膠人崇正時由恩貢令贛榆城陷巷戰而死子國...  
樞孫熾俱赴闕死事聞贈廕卹例

萊州府志 卷十一 忠節 八  
毛英掖人崇正時以武舉為守備任申防三山島遇變力戰而...  
死

楊京一名本潤字沫漪膠州千戶所人中武解元為女姑營長...  
崇正壬午單刀力戰而死

劉芳聲字東華濰人崇正壬午舉武鄉試第一是年冬守城有...  
功明年與同榜七人上言願出死力與闖逆戰不報歸旣而...  
召見檄至京城已失陷矣芳聲辭家赴援死之

竇啟先字毅所千度人為諸生尙氣節崇正壬申登城失陷人...  
皆思逃啟先獨倡義與州牧謀守城城將陷誓以死殉謀諸

...氏曰吾雖未結一絲之縲...常節義素心不可變婦曰

爾爲義士我獨不可爲節婦乎已而城破州牧遇害敢先夫  
婦皆罵不絕口以死事聞命建坊旌表題曰節義雙超

儀國祚高密貢生篤學修行嘗道拾遺金一絲不染壬午守城  
中流矢死同事者劉興堯高榜趙遂志俱被殺

三職如卽墨諸生聞闖賊陷京師衣冠詣文廟長號再拜以母  
老不卽死八月母歿營葬畢遂闔戶自經鄉人私諡曰文貞

薛濂膠州人襲陽武侯崇正甲申李自成破都城不屈死之一  
楊抗灘人相士也崇正壬午爲寇所掠令持雲梯至城下抗厲

聲向城頭曰用心打仗無顧我遂被殺而死同時有丁復運  
城外力戰死帽匠以不豎雲梯死昌邑二炮手以不放炮打

萊州府志

卷十一 忠節

九

城腰斬而死

國朝

張熙宏範子有聲賢序勉兩子若獬若麒力學俱成進士甲申  
避亂夾山遇寇脇以從逆罵賊不屈遂見殺事聞賜祭一

宣

呂應夏掖人順治初由拔貢宰龍南時土寇闖王總統衆圍城  
應夏率民固守城中掘鼠而食自六月至九月力憊不支城

墜死之子幼長僕龍明俱同日死事聞贈僉事廕一子  
劉方至掖人順治元年恩貢授縣興推官多實政五年署上虞

縣山賊王岳壽作亂攻城方至挺身固守賊力竭不克





孝義

淳于恭字孟孫北海淳于人王莽末歲饑兵起恭兄崇將爲  
所烹恭請代與俱免後宗卒恭養其幼孤有不率教輒用  
言能感悟之慙愧而改過漢章帝詔除議郎遷侍中進對陳  
政皆本道德帝與言未嘗不稱善

李篤東萊人黨錮之禍張儉流轉東萊止篤家外黃令毛欽捺  
兵到門篤引欽謂曰張儉知名天下而亡非其罪縱儉可得  
寧忍執之乎欽因起撫篤曰蓬伯玉恥獨爲君子足下如何  
自專仁義篤曰篤雖好義明廷今日載其半矣欽嘆息而去

萊州府志

卷十一

孝義

趙

敏元字道光北海人勵已修學永嘉之亂同郡管平從敏元  
西奔爲盜所劫敏元謂賊曰此公餘年無幾願以身代盜長  
欲舍之內一賊弗聽敏元奮劍前曰吾豈望生耶願諸君除  
此人盜長遽止之相謂曰義士也俱免之

王閭北海密人也數世同居有百口共財產家門雍睦鄉里敬  
一異有司中奏皆標門閭

禮

王君操卽墨人父爲鄉人李君則所殺時君操尙幼亡命久之  
還鄉里殺君則取其心肺敬之歸死於刺史事聞太宗貸



家慶臣綰孫博通經史尤長於詩宗族鄉黨稱其孝友

已昇萊州人性孝父權失明昇剖股探肝和藥以進父服之能視昇亦不死淳化中詔賜粟帛

詔璋字坦之膠水人天禧中由進士爲度支員外郎知濰州母

喪廬墓哀蔬蔬食經六冬有白兔白鳥馴擾墓側狀聞詔賜

粟帛

徐承珪掖人爲贊皇令幼失父母與兄弟三人及其族三十口

同居甘食藜藿衣服相讓歷四十年如一日所居里中木生

連理瓜異蔓同實乾德間詔名其鄉曰義感里曰和順

萊州府志

卷十一

孝義

二

元

王公達昌邑人性至孝事親盡禮飲食必先嘗父患癰疾公達

竭誠泣禱願以身代父疾愈鄉人神之至大元年旌表

張緝字士明膠州人性孝友能詩文與兄紳弟經同領鄉薦至

正中由澤州學正轉泰州幕職棄任養親居揚州兵亂母死

氏方病卧賊突入舉鎗刺母緝以身蔽之中傷而死母得免

劉濤膠州人少失父獨與祖母王氏居王氏歿廬墓三年朝夕

哭臨始終不懈鄉邦稱之至正六年旌表又有任梓者萊州

人亦以廬墓稱孝見元史

黑兒平度人幼失怙恃稍長叔告以父母卒在沂州黑兒歸

哭泣告天適遇隆冬單衣跣足如初喪至葬所資遺骸歸  
夢父母欲食生魚卧冰求之冰泮得魚烹以祭墓時人稱其  
孝感擬諸晉王祥

毛聚掖人事繼母秦盡孝值寇至秦不能行聚侍左右弗去寇  
問故聚泣曰我老母在敢自求活耶寇義之不忍犯與兄弟  
分財恣其所取而受其棄遺者族女六人貧不能嫁聚出私  
財嫁之族中不克葬者十餘喪聚皆爲葬之食有餘粟則推  
以濟隣里貧不償者焚其券客有遺錢追還之人稱善士

孫惟中字伯庸昌邑人洪武時爲寧海州吏一年貢益都府父  
萊州府志

卷十一 孝義

三

卒葬廬於墓弗御酒肉晨起無火掬雪頰面久之形容憔悴  
里民白之令令戴友諒弗信夜半携二蒼頭出風雪中察知  
其實因上其事不報學士宋濂爲之傳

李文秀掖人少居行伍家甚貧父母早亡停柩未葬謂其妻宮  
氏曰吾終日荷戈焉及薰裡吾將棄戎行業陶甃爾共襄吾  
勞庶幾吾親之窆安可冀乎乃夫妻力作三年而墳成洪武  
二十一年旌其閭

戴正字德義高密人洪武間父思道辟縣椽尋調閩之太寧時  
母方孕正故父獨往越二年卒太寧令命葬於邑之山南野  
二石以識之及正長爲諸生步抵太寧取父骸骨編誼弗復



大仰天號哭忽一老至告之處乃得攸屍歸與母合葬後  
於鄉

徐聰字亮聞平度人由監生任御史幼失怙家貧事母盡孝母  
卒廬墓三年朝夕蔬食有異鵲來巢之祥

張信掖人性至孝母病醫藥弗效遂仰天發誓引刀於脇取肝  
和麪湯以食母病遂愈事聞旌表擢尚寶司丞陞少卿

戰翱字騰霄正之姪性至孝父卒廬墓三年後領鄉薦赴京

母訃奔喪仍廬墓有紫芝三十莖產墓後縣尹郝文昭欲以

事聞翱固辭乃已服闋訓導翼城時宦者曹吉祥反誅翱王

疏論杜宦官禍以切直罷官歸教授生徒嘗有餘人尹本

萊州府志

卷十一 孝義

四

王楫濰人天性孝友父喪廬墓如素三年朝夕哭奠喪母亦然  
負土築墳自有程課所植木成林過者皆知爲王孝子廬墓  
處也縣尹王曰然王其事旌之

劉天序濰人父早亡事母至孝家貧力田養母自食粗糲衣敗  
絮而母恒温飽及母歿日夜號泣不絕聲鄉族憐其篤孝助  
之棺斂葬之日遂留墓所露宿野次負土築墳三年遂城鄆  
龍長吏獎之月給米三斗終其身

郭維昌邑人家貧磨鏡治生父先卒事母孝謹備至室人亦色

慈有逆言維竟出之母終哀號幾死無嗣臨卒囑其甥曰我

死埋父母墳旁好供使令語畢卒甥如言葬之

三重膠人家貧鬻鹽父嗜奕三重日賣錢爲奕資  
毀盡禮撫育異母三妹各擇良配人稱其孝友父故廬於墓  
何時三重年已六十餘蔬素衰麻隆冬不御綿絮御史以聞  
旌之

藍思繼卽墨人事母藥氏至孝母喪盡禮及殯廬墓側朝夕哭  
奠三年始返每逢令節忌辰必至墓所祭柏哀號終日柏樹  
淚澁皆成血斑御史謝三賓題旌之及思繼卒子世茂亦廬  
墓三年

孫惟謙萊州衛人事親能養志親嗜飲酒肆有誑欠惟謙陰償  
之不使親知親故水米不入口者三日鄉人稱爲孝子

萊州府志 卷十一 孝義 五

藍再茂卽墨人幼喪母事繼母以孝聞讓產於弟族黨賴以舉  
火者甚衆性豪俠嘗輸粟助通成山運道有招遠王劉二生  
條地方利弊爲靈役中傷遭黜革將受極刑茂傷之糾寸學  
諸生籲請學使者事得白卽邊與俱歸分宅而處之遐邇高  
其行誼後官南波令有治聲

趙懷慎膠人天性純孝暮年食儻於庠父歿絕意進取母故獨  
處三年食蔬啖粥妻孥亦不得面也子任既貴祿養所入置  
祭田設義學復割膏腴千畝爲義田供闈族婚喪費後崇祀

鄉賢

原世厚掖人幼孤奉母至孝母歿既葬廬墓居恆頽而不寐



衣布足不履日惟粥兩餐必捧以祭慕乃食每晨必物三  
春縗墓戚友或餽以布粟輒謝不受國子生徐誨有原隰子  
盧藁序紀其詳同郡先後以廬墓稱孝者濰縣初永昌初永  
受膠州趙佐高密綦莪綦芷單莪

宋明佐昌邑人舉人撫繼母弟甚友愛壬午遇亂奉母逃難見  
母被擊曰寧可擊吾子女子女及明佐皆死繼母得全

國朝

黃宗揚侍御宗昌之弟登賢書孝友素著長兄宗楫歿遺孤幼

弱多外侮破產護全之鼎革後宗昌以讒構蒙難禍且不測  
復捐資冒險營救患始得弭其他行義多類此二百餘甲申

萊州府志

卷十一 孝義

六

楊遇吉字彙征卽墨人爲諸生常聯族人置義田二百畝甲申  
墨賊郭爾標等攻圍墨邑遇吉密謀於侍御黃宗昌率敢死  
士數人潰圍而出從大澤諸山抵萊告急於院道徵兵於柯  
鎮卽日遣韓將軍統兵至墨勦賊圍乃解事詳解圍記  
匡瓚蘭兆之子貢生以父殉難終身不近音樂爲諸生時以德  
行稱兄理官鳳翔因公賠累羈留陝省瓚傾資以償撫兄子  
愛踰已出舉鄉飲大賓年七十六卒

張廷傳字師古文明子也幼嗜學有聲庠序間家有臆產悉讓  
於兩弟蕩廢則復給之寡姊無依養之二十年比卒喪葬如  
禮人咸高其義卒年九十餘子爰翔痛父之歿哀毀不食兩

傅鍾靈字九芝高密人由貢選招遠司訓辭不赴居家以孝友稱性長厚嘗遇一人泣於道左詢之則青州羅糧被掠者立贈粟一車而去城陰薛應詔家素豐臨終子方在娠不逞者環伺之因泣語靈曰知公長者若天不斬吾嗣煩公調護之比殫力爲經紀其家及薛氏子生撫育教誨如己子鄉黨推重之

李樹掖人性至孝親喪廬墓奉旨旌表時同郡以廬墓稱孝者千度孫邦疆子俊王謙邑王國棟濰縣宋雲志陳維藩孫得玉杜存仁膠州王乾王篤生高密劉英卽墨馬應麟黃

萊州府志

卷十一 孝義

七

珍藍芝孫爲桓

傅慶初高密舉人性孝父病衣不解帶者三年父歿侍母不暫舍一弟早卒遺兩孤訓育如己子會歲凶不得已課農自給然雖疾風暴雨必歸侍母側以是中疾死邑人哀之

楊琬卽墨人少孤事母盡孝舅弟間友愛篤至白首無間言處宗黨撫孤急難落落有古人風舉於鄉未仕而卒

李爾立字健如裊之孫也幼孤擢家難襁褓中幾不脫虎口賴母氏孳以免比長事母至孝遷濟陽訓導以母病辭不赴終身孺慕不衰歲饑會諸莊粟計族人口而廩之閱二年全活數十百人雖素與爲難者亦受恩感泣邑人至今稱慕之



其善及卒葬城東結廬墓側曰父省視三十年如一日好客  
客四方遊士延接如不及客死者爲之歸梁生大宗遼籍也  
一旅食於墨分宅居之爲具備粥費時歲儉生持墨跡縑素來  
售曰世家藏也不欲人名其主授之直而生卒逾年訪得其  
主更以價酬之曰勿爲亡友身後累也其立志峻然類如此  
姚章字青崖濰之貢生也其先安邱人天性仁孝居喪三年不  
一怠生平手不釋卷晚尤達於易著易經末義引蒙行世

范禱卽墨貢生也天性孝友母歿年甫十三哀泣如成人事繼  
母尤謹伯兄死竭力營葬事撫其遺孤仲兄任江南守條卒

萊州府志

卷十一 孝義

八

於官屬弁誣以營債鬻開跣足謁上官事得白扶喪歸生平  
嗜學尤好汲引後進同里韓鄰佐以理學名家卽其高弟也  
王肇祚字伯宣卽墨人天性孝友睦嫻任邴家故貧與弟肇祺  
一授徒以供甘旨一門之內雍然太和也以宗法糾族人建祠  
修譜置義田綜理周密著冊傳世孫葆鬻子者倡衆贖之女  
失所收嫁之鄉黨慕其義以明經終  
孫九齡昌邑庠生也事繼母孝母得便血症辛勤奉湯藥朝夕  
一弗離時值隆冬衣不解帶者兩月及卒哀毀骨立喪葬如禮  
諸弟欲析爨曲從之恣其所欲里黨稱其孝友

孫兆禧卽墨庠生也創置義園千餘畝祀先贍族著敦本堂約

李存住昌邑人家貧佐母賣酒年十五有東卒富翁見而奇之  
結為義子携之去旋以養母告歸母歿復往省翁途過巨盜  
數十人欲劫其翁財携存住存住給曰爾且後我當呼之遂  
大呼曰我昌邑存住也翁聞欲啟門又大呼曰勿開有盜劫  
翁翁翁當速避盜怒瓦解之

李淳平度人襁褓時父以貧故出遊絕音耗及長問父踪不得

遂棄家遍訪年餘父子同歸時人比之壽昌

馬輔平度人早孤傭力供母母病思食肉自度不能得乃潛入

廟中割股以啖母母食之病痊不知其子之股也方入廟時

萊州府志

卷十一 孝義

九

一童子竊視得之由是鄉里競稱為孝子

劉香高密人素無藉嗜酒好鬪人多苦之然性至孝聞母至戰

慄伏地母以所曳杖擊之即啼泣引罪自責母死人莫能制

奔告其婦婦携母杖示之輒痛哭而歸不食竟日

徐振膠人善事繼母母故父不復議娶振同父宿卧者三十年

疾痛痲癢必親為撫摩父以上壽終振獨處一室泣血三年

未嘗見齒友愛弟摠曲體父志年八十六歲卒

謝秉志高密人務農早喪父事母盡孝母患羸疾志晝夜號泣

祝以身代每早出力作暮歸侍母竟夜不眠者數年

後祀主於家食必祭祭必況終身如一曰焉





王士儀昌邑人邑地北下多雨則田禾被害甚大儀慮之洪  
間捐財捨地挑溝洩水北入於海自是水不爲患邑人德  
稱爲王老義溝

王聰字彥達掖人居鄉好義歲饑嘗煮粥以食貧民死無所  
者葬之後聰由國子生任上林錄事子孫相繼登科

徐聰昌邑人富於財成化間歲饑聰發粟一千五百石賑之  
鄰貧者稱是後歲稔有償之者聰曰事往矣何以償爲輒笑  
其券一無所受

秦州府志

卷十一 善行

劉鵬昌邑人性好施宏治間歲饑餓莩相望有司莫能悉給鵬  
捐米數百石煮粥朝夕散之全活數百人

鞠能掖人成化六年大饑出粟助賑有司以聞奉旨旌之時膠  
人王斌亦以出粟賑饑旌爲義民

郭鑑掖人成化十八年大饑鑑出粟賑濟事聞旌之

李錦平度人家貧丐於市偶拾遺袋甚重明旦一人號於途云  
夜遺一袋貯銀百餘兩錦驗實還之其人願以半謝錦笑曰  
我貧人勿以相累事聞遠近嘆服

王山高密人寓拒城河嘉靖四年有登州金客過其家遺黃金  
數十斤山得之卽追至百人河還之客欲分金以謝山固辭



外受以咸義之

黃正印墨人世業農性仁厚重然諾嘗糶乏蘇於客倍值定後遷延不來比春其價數倍正以前約卒如值付之又與邑人賣粟江上時多盜正先往半渡見舟中人不類趨回寓主人報曰同來者啟君笥正佯爲不知惟道江上事有誤認正驢者正印解予不少辨明且來還謝罪不已正慰而遣之其隱德多類此

張宏範膠庠生也性孝友家貧授徒遠方年逾五旬尚無子妻趙氏爲置一妾將就寢見其貌甚美而有憂色詰之泣言曰妾故有夫緣被重累不得已自鬻者範卽危坐達旦遣還之

萊州府志

卷十一 善行

鄉人咸敬重焉

單承逸高密人貧而好義萬歷二十三年邑大饑人相食承逸遇夫婦賣子女三人憫其離散家止餬日粟四斗分半與之更貸麥爲生理費由是五口得全人高其義

崔有哲平度人事繼母孝萬歷四十二年大饑出粟賑濟逋負者悉焚其券掩骨萬餘事聞旌其門

黃薦昌邑人忠宣公裔也家貧沽酒偶拾銀一封約二十金秘收之待於失所次日一人號哭而至薦叩其數合還之

本沂昌邑人晨起遊城隅獲遺囊視之有批文並灑銀遂覆破釜下薄幕一人號泣至問之曰失銀與此將設官死其故

是之

國朝

朱夢齋維之庠生也有孝行見義必爲遇歲歉家有陳豆數斗石盡出作糜以食饑者閭里稱其義

戴君在平度人重義好施康熙五十九年大饑盡出積糧五百餘石散給親族其後遇歲凶率以爲常畧無難色嘗曰吾糧盡吾心安矣其他善果稱是年八十餘終

董子信昌邑人年五十無子同里有賈於他方者倩置一妾詢之則有夫家之女也瞿然曰吾爲後嗣謀而乃奪人之配乎立命送歸又有貸銀者貧不能償願以女作婢信焚券弗受

萊州府志

卷十一 善行

三

復厚給之晚得二子皆成立人以爲善行之報云  
張九輔高客人偶於途中拾銀陸兩卽確持其處頃之一人踉蹌至號啼於市詢之乃王姓里甲卽失銀人也九輔詰其數合遂還之略無德色其人拜謝而去

李烈昌邑人性耿介不苟取子嘗遣其子赴下營雜麥得重價歸疑而詰之曰撓沙故也烈怒杖其子馳往語客曰麥中有沙不肖子幾誤君矣因按數收其價餘銀悉還之

李褒齡膠人少負義氣嘗遇歲饑宗黨不舉火者百餘家褒齡盡出己粟按戶支給賴以全活者無算

中察卽墨人喜於通衢講說六語鐸書勸人爲善康熙壬戌乙





長翁東萊人治易為耶至單父令長於卦筮江寧

以象象繫辭十篇文言解士下經授琅邪至瑛其本皆古字

號古文易高相沛人治易與費同時其學亦無章句陳元長

卿鄭眾仲師皆傳費氏易其後馬融亦為其傳授鄭康成康

成作易注苟爽慈明又作易傳自是費氏之易傳於世

庸生名譚膠東人始孔安國傳古文尚書授都尉朝朝授譚

授清河胡常少子時遭巫蠱尙書文學未得立後漢扶風杜

林傳其書同郡賈逵作訓馬融作傳鄭康成注解由是古文

萊州府志

卷十一 儒林

尚書遂著於世

按前漢書止稱庸生譚名兒後漢書儒林傳

房鳳字子元不其人也以射策為太史掌故大司馬王根

薦鳳明經通達擢為光祿大夫杜至青州牧明毅梁春秋世

傳其學

王莽來魯問又介是書自扶費凡之是幹成世

鄭元字康成祭八世孫也少入太學通京氏湯公羊春秋三統

歷九章算術又從東郡張恭祖受周官禮記左氏春秋韓詩

書文尙書西入關事馬融質諸疑義融曰吾道東矣遊學于

餘年歸鄉里家貧客耕東萊學徒相隨已數百千人及黨事

起與孫嵩等俱被禁獨遂隱修經業杜門不出黨禁解大將

何進問而辟之元不受





公膠西人善治黃老言  
所以安集百姓者蓋公  
曰治道貴清靜而民自定參於是  
正堂舍蓋公其治要用  
黃老術故相齊九年齊國安集大稱  
賢相

王仲琅琊不其人隱居不  
仕好道術明天文文帝時避濟北王  
典居之難浮海奔樂浪  
山家焉

蓬湖郡昌人家貧為亭長  
去之長安時王莽殺其  
既而嘆曰大丈夫安能為人役哉遂  
子字萌謂友人曰三綱絕矣不去禍

卷十一 隱逸

將及人即掛冠都城門  
位始還勞山累徵不起  
携其家屬浮海客於遼東及光武即

禽慶北海人有節義王莽  
時去官不仕  
萌友善亦隱遁不仕莽朝

晉

劉鯪字長魚高密人立志  
希古篤學勵行成帝博求異行  
徵為博士鯪自陳年老  
不拜以壽終

宋

趙明叔膠西人家貧好學  
嗜飲州守蘇軾重之樂

見藝文志



梁蕭綽度人工文詞尤美容姿嘉靖初選子弟尚公主金  
斛應詔斛曰大丈夫不能自立俛首帷薄殊可羞也伴狂  
之後既虞諸生旋棄去謀生萊傭計值僅糊口餘卽還灌夫  
曰多取以自污非夫也時人目爲梁仲子州守周思兼慕其  
賢往遊焉聞風踰垣周嘆曰梁生不可得而覓况可得而屈  
乎扁以高士

國朝

趙士喆字伯游掖人好學能文著述等身崇正壬申孔叛圍萊

士喆墨衰登城爲徐撫草間賊書討賊檄皆頃刻立就八月

萊州府志

卷十一 禮逸

二

一圖解敘功得旨超貢崇正末京城失陷倡邑人發喪痛哭李

自成僭位選僞官至萊衆皆觀望莫敢發言士喆叱令縛之

遂斬以徇旣而走成山與弟子董樵耦耕海上著建文年譜

自擬所南心史順治十二年卒

趙遂掄字簡臣高密人幼擅才名明季超貢鼎革後日手一編

自娛從遊者多所造就會有徵檄至門以親老辭堅不應命

一里人咸重其高節云所著有柘園集故紙窩龔子吟諸集

沈士驥字北埜卽墨貢生爲人溫和醇粹不知世上有機穢事

篤好性命之學於宋儒諸書潛心體認浩然若有所得晚年

發葉舉子業與同里沈翔濂吟風弄月若不知老之將至六

年七十。卒。翔瀛操履端潔亦遂於理。羣臣稱。揚光

正。記。

...

...

...

...

...

...

...

...

...

...

...

...

...

...

...

...

...


...

...

萊州府志

卷十一 隱逸

三





徐幹字偉長北海人與王粲劉楨友善幹為司空軍謀祭酒

屬五官將文學漢建安中丞相曹操特加旌命以疾休息論

上艾長及以疾不行著中論二十篇宋會南豐作序止之贊

西山錄法象論入文章正宗謂其見高出秦漢諸儒

五代

蘇頌字叔言澠人唐進士名聞京洛以父為明宗所殺奔江

蘇事李氏累官中書侍郎資政殿學士才氣俊逸善屬文

高簡無所卑屈江右號韓夫子卒贈僕射諡文靖

袁州府志

卷十一 文學

常字可久高密人少好學擢進士仕漢周及宋為著作郎與

湯綬之輩有名於時應舉詩著四時成歲賦萬餘言又為春

蘭賦辭甚藻麗後為清河令子仲謀雍熙中舉進士

宋

秦崇禮字叔厚高密人徙北海幼穎異能文為起居郎攝給事

中召試政事堂頃刻為封誥三篇上嘉之拜中書舍人兼權

直學士院除吏部侍郎兼翰林學士從高宗南渡所撰詔命

數百篇文簡意周得代言之體著有文集六十卷

王濤字季夷北海人紹淳間名士寓吳興有北海集

迎東萊人太子司經有文集號山林長語章宗詔

崔廷槐字公桃李度人登進士由知縣歷官四川僉事歸田後講學課士從遊者甚衆統長於詩文所著有樓溪集

國朝

劉以貴字滄嵐瀕人博學工文詞才名籍籍舉進士任蒼梧令

其地獯穰雜處號稱難治甫下車卽革除一切陋規與民休

息建蒼山書院課士公餘輒親往指授士咸感奮由是文教

振興獲薦者甚衆歸里後杜門著書絕不以世事櫻心有著

彙集初學正編刊行於世

涇州府志

卷十一 文學

二

譚宜膠人少年落拓以詩名中年折節讀程朱書有心得旋

舉於鄉暮年成進士不仕閉戶著書終身不輟所著有四書

廣註賢言疏義三種尙書說畧古文叢話諸書年八十三卒

屠毓正字美愷卽墨人父細捺履端謹博學善屬文以明經老

毓正幼聰穎於書無所不讀才名冠一時成進士出宰浮山

以德教化其民民懷之罷職歸里建先祠置義田睦鄰行

鄉事事可風尤喜陶成後進執經問字者屢錫於戶外遠近

師尊之人

涇州府志



唐

劉蘭字文都北海人初任隋粗通史能言成敗事貞觀初上書

陳方畧太宗以為夏州司馬追擊師都大破之遷豐州刺史

縱反間致撲末懼降以妄信識記事露被殺

五代

王景掖人為鳳翔節度使周世宗詔景與向拱伐蜀景克蜀鳳

州擒其節度使王環及都監趙崇溥等五千人又拔黃牛等

八寨敗蜀都統李廷珪等取秦階成州蜀人震恐百官入賀

周世宗舉酒屬王溥曰邊功之成卿擇帥之力也

萊州府志

卷十一 武功

宋

王仲寶高密人初以謀勇補章邱尉屢捕群盜累官涇原路總

管安撫副使與西羌戰六盤山任福敗北別將朱觀被圍仲

寶救之援觀出圍時諸將皆歿仲寶獨與觀得還除左屯衛

大將軍

林廣掖人以捧日軍授內殿崇班從環慶蔡挺麾下屢與夏人

戰大捷韓絳奏為本道將環慶兵叛廣諭以順逆皆投戈聽

命遷英州刺史討瀘蠻乞弟每戰必捷乞弟求降廣發伏兵

擊敗之得其種落三萬班師至閬鄉卒廣有風義輕財好施

長於料敵損益八陣圖撰約束百餘條邊地多采用之

勤聞北海人以拳力爲軍校從延州軍出塞遇敵矢貫左耳  
弗顧衆服其勇討貝州黎壘先登以平貝州功第一再遷振  
州團練使韓絳宣撫陝西詔問曰河東爲犄角與夏人戰飛  
矢蔽體不爲卻敵解去累官左金吾大將軍

范成進其先書人後家濰州獨傑有大志奮力過人貞祐之亂  
成進繕鄴里守壯五千人以自扞蔽哀宗出汴成進率衆往  
從之以功賜封膠西郡王

王國昌高密人仕爲千戶世祖召問軍旅之事奏對甚悉嘗奉  
命往高麗海道風濤洶湧國昌神色自若高麗有叛臣據珍

萊州府志

卷十一 武功

二

島城國昌與經畧使攻援之以戰功爲都指揮使

崔澍平度人昭武大將軍世榮次子兄弟五人仕元俱以武

顯澍授明威將軍佩金符待衛親軍總管時左丞相阿哈

私竊朝政蘊蓄禍機蔽塞中外澍與千戶王著合謀誅之

林之下其子忽卒馳奏澍等爲亂遂遇害後李羅爲相書

阿哈馬奸狀世祖始深知之曰澍等殺之誠是也乃命

家復澍等官

明

薛祿膠人從成祖起兵破南京累功封陽武侯仁宗卽位進

太子太保宣宗初佩鎮朔大將軍印留鎮薊州賜詩以山甫



南仲爲比祿爲將好謀善戰紀律嚴明善撫士卒  
有進無退故所向成功卒追封鄴國公諡忠武

任敏披人由錦衣衛指揮陞後軍都督府同知正統初鎮守甘肅屢立邊功朝廷倚重

國朝

劉應田平度人母夢虎而生面若鍋鐵故小字曰黑虎比長拳一勇無雙所用劍重三百觔李九成寇膠東應田率鄉人擊却之後從張司馬福臻爲騎兵屢立戰功授遊擊國初迎附從平副運下浙闖得級尤多陞福建叅將海寇鄭成功來犯應田接戰被圍積矢如蝟猶手刃數人大呼力竭而死事聞

藜州府志

卷十一 武功

贈副總兵遣官致祭卒之前一夕家人夢一虎大嘯而去

高文熠膠人有勇力善騎射王輔臣之亂從撫軍華善與賊帥

王屏藩相拒多立戰功後奮威將軍王進寶倚以爲助大小

數十戰未嘗敗北後從攻成都熠自瓦子灘渡江以少擊衆

直趨錦屏奪浮橋挺刀飛渡勢如風雨屏藩知事已去自經

死熠馳至南門斬關以納諸軍四川既定授都督僉事歷任

陝西副都統致仕卒

薛受益字謙若高密人幼孤事母至孝弱冠精詡畧勇健過人

從滇帥入浙擢千兵逆藩亂奉檄往禦奮勇先登大破之奪

其營擢補嘉興守備進征逆黨馬九玉馬勝等連破之馬勝





方術

巫醫卜筮之術神而明之皆有裨於世故百氏之學各有專家自東漢而下垂名史冊者尤眾毋亦史家顯微闡幽之意乎萊郡所傳雖寥寥二三人然載之志乘樹厥風聲吾知名一藝者靡不躍然思奮矣

漢

左伯字子邑東萊人名與毛宏等能作紙漢興有紙代簡至郡帝時蔡倫工爲之而子邑尤得其妙故蕭子良答王僧虔書云子邑之紙研妙輝光

萊州府志

卷十二 方術

北魏

成公興膠東人隱居山阿精九章要術殷紹嘗師事之同時泰道人法穆居長廣東山亦以九章數學擅名

明

藍道行卽墨人善降紫姑嘉靖中以薦召入禁中使言禍福奇驗上以爲神一日從容問輔臣賢否道行遂詐爲箕仙對其言嵩父子弄權狀上曰果爾上元何不殛之詭曰留待皇帝正法上默然

流寓

志之有流寓也大抵昔賢僑居之所當其時漂泊轉徙方視此地如蓬廬而後之載筆者俯仰憑弔且援引之以爲重非其蹟有不容湮沒者耶雖然以事繫人以人繫地非其地而附之誣已余故錄其地繫乎萊者

周

燕太子爲質於齊齊人處之北海間今濰城西南符山左畔號麓臺相傳爲燕太子讀書處

漢

公孫宏字次卿菑川薛人少家貧牧豕北海上濰城西南二十

萊州府志

卷十二 流寓

里符山之麓有讀書臺漢武帝時以賢良方正對策擢第一拜博士待詔金馬門歷官丞相封平津侯

北齊

楊愔清河人避難東萊初爲齊高歡行臺右丞從兄幼勳爲岐州刺史以直言忤旨見誅因逃亡棄衣冠於水濱變姓名情自稱劉士安東入田橫島以講誦爲業後神武知愔存以禮致之累進驃騎大將軍封開封王愔典選二十餘年獎擢人材以爲已任魏齊稱爲名臣

明

張允掄字並叔萊陽進士也守饒州府四年挂壁僅一榻床事



不便民輒條疏以請或尤之曰苟釋累於民雖朝叱而暮請  
吾無禫也甲申後入勞山教授十年清風介節至今仰之

萊州府志

卷十一

流寓

二



古無靴也甲申翁入後山婚婦十年山嵐食蔬生个明之  
不野氣薄翁誠以備為武之日亦警界以和博也而得

仙釋

二氏之學於尚虛無非所以經世勵俗也故儒者罕言之然百家傳記往往稱道勿衰而古今來文人學士尤樂引爲方外交詩歌贈答往復流連豈其人與言果有足採者歟元史釋老傳曰佛於晉宋梁陳黃老於漢魏唐宋其效可觀矣有言哉有言哉

漢

王和平北海人性好道術濟南孫邕事之從至京師和平病卒邕葬之東陶書卷藥囊悉以從後弟子夏榮言其尸解邕始恨不取其寶書仙藥

萊州府志

卷十二 仙釋

晉

陳仲舉膠州人學黃老術辟穀隱大珠山石室黃髮童顏時人莫知歲數後周遊四方不知所終

魏

鄭文公金昌明間劉國樞記云大基道士谷鄭文公得道之處

文公由此仙脫丹竈碁局印石宛然大基掖山

唐

明淨高密人少出家遊天台日至村中化食回值羣虎皆開日閉目若饑狀明淨以匙抄飯納口明日求食回虎又如前入皆異之嘗歲旱祈雨有應後莫知所終



果正子長嘗遇仙於鰲山授巨勝赤散方告以此藥蛇服化龍  
吳服長生長服之年百八十如童顏登勞山仙去

宋

徐問直濰州人有道術與歐陽修善一日求去甚力修留之不  
可曰我友罪我與公卿遊修使人送之果有鐵寇丈者長八  
尺餘俟於道傍以瓢覆酒於掌中飲不知所往嘗教修引氣  
愈足病蘇賦試之亦驗

金

李頤直武略將軍居昌邑南青石山前得仙術養恬守素名其

萊州府志

卷十二 仙釋

二

爾曰歲寒明昌已卯劉長生題曰遇仙壘

邱處機自號長春子海上七真之一嘗訪道至勞山見其奇秀  
遂棲養久之

尹志平字太和萊人受易郝太古師長春於棲霞觀元太祖徵

長春從者十八人志平爲之冠已酉太宗賜號清和住濰玉

清宮有葆光集三卷

慕容志遠字子元掖人從長春見元太祖雪山

劉長生掖人少爲屠醢酒一旦頓悟真學晝寢夢壁上有詩云

武官養性直仙地須有長生不死人又遇純陽真人於衆人

中招之曰若憶夢中詩否長生大悟遂執弟子禮純陽賜之

詩曰釣罷歸來又見鰲已知有分到仙曹招呼悟得元中意  
躍出洪波萬丈高明昌丙申長生自洛陽還大有所契後歿  
舉棺甚輕人以爲仙蛻云

披雲真人年十二從劉長生脫俗天性敏慧道行淑真開馬鞍  
山一洞神山七洞還終南山羽化而去有偈云喝散迷雲驅  
回宿霧萬法無私千峯獨步其徒以事聞贈披雲真人

范常真即長春弟子隱平度盤石山能馴猛獸人稱爲狼范後  
尸解去

元

華蓋真人姓劉氏蜀人寓居勞山龐眉皓髮面如渥丹不自知

萊州府志

卷十二 仙釋

二二

其年敝衣掩形冬夏不冠屨不爐不扇一夕端坐而化神色

白若

僧一庵懷來人元末避亂遼東觀萊有秀氣遂適大澤山中坐  
乳泉石夜有虎守卧圓寂預作偈偈曰生本無生滅本無滅  
太空浮雲紅爐點雪人傳以爲異

劉志堅故以掌鴈房事永昌王故稱劉使臣後棄家入道隱於  
勞山久之天光內映或知休咎一日辭道衆而逝葬華樓上

稱劉使臣墓

明

麻衣趙冬夏叵丈麻履膠州大珠山石室辟穀得仙其門上



朝陽庵

去留馨姓范自幼靈秀好遊遇道人授以辟穀導引之術既長  
絕不飲食身輕如槁葉行住處異香襲人自號去留馨歌舞  
於市不以言笑假人洪武間乘雲上昇膠州屢年豐稔

程和尙居高密三元廟以藥濟人不取值淡泊世故苦志勤修  
永樂中妖賊唐賽兒聞其名不入州境臨終作偈跌坐而化  
李真人不知何許人在平度雲臺觀修養日久後坐化於石岩  
下二十餘年皮骨不朽尚書趙煥題曰李真人蟬脫處

國朝

程和尙居高密三元廟以藥濟人不取值淡泊世故苦志勤修  
萊州府志

卷十二 仙釋

四

一夕忽起沐浴更衣坐化鄉人樹塔志之

曲居士掖人居城西草庵貌甚古好行善事其言多顛狂人未  
之識也雍正十二年春一夕草庵火其光燭天比熄居士端  
坐如生唯頂中露一孔身如古銅擊之鏗然有聲里人異之  
製一小龕以葬

列女

自歷代史書皆傳列女於是乎作志乘者因之萊雖僻郡而貞風勁節可輝彤管者莫可指數縉紳之家無論已乃至里巷農氓乞傭僕隸之婦莫不操凜冰霜幽泣鬼神嗚呼何風之烈也當其慷慨奮厲視荼如飴或決死以殉夫或守貞以沒世孤行其志夫豈有意邀名者而闕焉不書亦載筆者之責也余故備輯之以俟後之採風者焉

掖縣

金

藥氏

相琪妻琪為掖司吏貞祐三年八月紅襖賊陷掖琪及妻子俱被劫賊見藥悅之殺琪及其子而誘藥藥以頭

萊州府志

卷十二列女

觸賊而罵曰我豈為犬彘所污者

盧氏 解叔道妻夫早卒盧氏遺腹生子矢心守志

孝養舅姑比歿哀痛踰禮持家嚴不會親屬咸一編寧而已年八十卒旌表

明

宿氏

原生孫鍾妻鍾卒守節終身崇正時旌 崔氏 趙士寬妻士寬判鳳陽殉流寇之難崔氏携二女登樓自

焚死事聞贈安人土人

周氏 萊州衛千戶孫鍾妻年十八適鎮未及期鍾卒遺腹生子姑欲

奪其志周悲啼不食以死自

谷氏 萊州衛指揮蔡清時妻年二十七清卒孀居五十餘

年足不履中庭言不

王氏 萊州衛指揮李奉妻年二十四奉卒未有嗣王屏去華飾甘心淡泊

于外事婦道甚飭

劉氏 庠生宿成妻年二十茹苦幾節若行始終如一

弱冠五十

崔氏 董承妻承卒撫嗣子茂潤恩勤甚至壬申之變茂潤中斃而死氏復訓育二孫皆成立卒

年九十

毛氏 舉人趙燦妻夫

毛氏

庠生高適妻 任氏 女年十五正

守節下同



第六年為流賊王氏女新城人崇禎壬申被賊掠至膠萊河所得罵賊而死  
半岳龍王刺脚上賊任氏女崇禎甲申賊劫女逼淫罵不王  
去恩人孫某收葬之  
氏女年十五與父邢齊避亂山中為賊所掠置馬上行至濰  
氏女崖女投崖下死賊恨計不遂拔刀三斷其屍血猶踐賊  
面姜氏姜漢之女年十五許聘府學生毛樂未娶而樂卒姜  
姜適自孫氏岸生趙士邁妻娶三日夫卒  
縊死

國朝

王氏周學古妻夫卒懷妊方三月生子壽家李氏儒童錢繼  
貧紡績自給教子遊泮順治九年旌美妻嫁朱  
期年而夫歿氏哀激誓絕盡檢衣物散與夫之弟妹從容  
自縊於柩前太守張應瑞拜祭畢始歛康熙十三年旌  
氏潘璉妻夫故投井王氏終乾隆三年旌以上旌表  
死康熙十三年旌王氏終乾隆三年旌以上旌表  
氏泉人王壯基妻杜某歿氏年老泣語氏曰爾死老身復何  
入口者三日時孀姑楊氏年老泣語氏曰爾死老身復何

麥州府志

卷十二列女

二

倚吾恐爾夫之目不瞑矣氏乃忍死奉姑周氏儒童張葉妻  
婉曲醫無子痛用是孝聞閭里以壽終葉抱病而娶  
未幾卒氏孝事翁姑訓育嗣子韓氏適毛麟徵為妻越六年  
成立後以貧病而死邑人哀之韓氏適毛麟徵為妻越六年  
徵卒僅遺一女時上有兩姑家甚貧氏盡心孝養禮無違者  
女適庠生張錦亦早寡無子久之還家奉母白首相依人稱  
一門雙王氏張奇勳妻勳卒氏年二十三歲家極貧寒時舅  
節云姑已老遺孤在襁褓中氏敝衣糲食晝夜紡績  
以供甘旨後舅姑歿喪葬皆王氏任之劉媿妻二十六歲夫  
如禮子亦成立鄉評甚重王氏亡子皆幼氏教之如嚴夫  
父事翁姑曲盡誠禮鄉里稱孫氏王炳崑子某妻張宗  
其賢孝後以孫貴封孀人孫氏夫亡守節下同錢氏繭妻  
張氏李進楊氏庠生王萬氏劉光呂氏監生毛楊氏庠生趙  
妻真罪妻漢妻良翰妻楊氏庠生趙  
王氏貢生郭帝蘇氏庠生郭盛氏侯幸張氏楊益龍氏繭妻  
都繼妻蘇氏庠生郭盛氏侯幸張氏楊益龍氏繭妻  
王氏林孚王逢妻楊氏五玉妻霍氏以上貞節由氏庠  
王氏林孚王逢妻楊氏五玉妻霍氏以上貞節由氏庠  
爾克揆繼妻年十八適揆姑道甚飭揆後病歿氏已絕粒數  
吳家廉其狀環伺之氏給曰無庸恤其三歲兒曰此呱呱



家必退廟送香楮男婦畢谷氏仰闔戶乃經死  
嫁未期年而寡姪一遺腹子育至十齡乃慨然曰吾可  
下報夫子矣遂自經死邑人乞貢有由霍兩烈婦俾  
產生徐勤妻康熙四十三年肯荒從動覓館膠邑至藍郟店  
勤遭病疫卒氏伏屍號哭竟日夜不絕聲村中婦女憐之或  
給以食謝弗受曰吾義  
不獨活遂捨地而死  
李氏  
監生毛良棟妻夫亡剪髮納棺  
者三不得死乘間入井井深且數尋頭顱破裂復不死遂絕  
食飲戚黨勸諭百端終不聽一夕守稍懈繫帛極釘而絕時  
乾隆己未六月初  
六日  
以上烈節

平度州

漢

貧女王氏  
交南人從夫秦友來膠東築朱毛城負畚鍤裹糧  
時人哀而築臺祀之下有小姑河沙  
土至今盡赤世傳為剖心血痕云

萊州府志

卷十二 列女

三

王氏  
車勤妻年二十二勸為青州總管陣亡父母親黨憐其  
俱成立未幾文昇早亡婦陶氏年二十四父母欲嫁之陶曰  
吾姑何人妾再適人非止辱身且使吾姑將誰養乎寧餓死  
志弗移洪武三年知州潘中以其  
張氏  
王霖妻年二十一霖  
事間勅下建坊題曰雙節婦之門  
張氏  
故遺孤三歲泣血成  
疾義死時繼姑亦孀居氏  
張九阜妻年二十夫商於外  
奉養盡孝教子成立旌表  
王氏  
數年不返後始知久歿氏無  
子即棄所居室歸父母家  
小二如  
大使孫伯光女年十四鄰  
堅苦守貞以終其身旌表  
小  
姑惡少李太朴慕之一日  
父母往田阻雨朴夜持刃踰垣入其室欲污之二姑號泣大  
誓不從朴以絮塞其口露刃強劫女執益堅頭頸已斷而手  
握中衣牢固不解事  
韓氏  
寶啟先妻死崇正六年御史謝三  
聞命所司樹坊旌表  
氏亦不屈死  
賓請於朝  
董氏  
李先葉妻夫亡遺一子氏年二十一苦  
患坊旌之  
守多年撫其子成立御史奏聞旌表  
何氏  
重崔冲甫妻年十九冲歿無子氏痛毀哭泣誓以必死翁  
曰方勸諭止為置後氏恣生無孤至於成立旌表  
以上

明



王氏 寶憲妻年十八歸憲六年憲卒一女在抱舅姑知之

不可奪為置蟻蛉子使鞠育待死而已再嫁弗忍德舅姑之

死携婦歸母家度日年八十一卒楊氏 李錦妻正德舅姑知

賊欲汚之氏自投井中賊去鄰人李氏 崔錦妻年二十歸錦

救之已死復甦事聞有司旌其門李氏 未期錦客死江南無

子計聞李自縊幾絕為家人救甦涕泣數日欲餓死翁姑

乃立伯子為嗣時家益貧氏躬織經養親課子以壽終

氏 官熙志妻夫亡子生方日守節蘇氏 李遜妻年二十一

節六十九年夫所遺產盡付夫陳氏 庠生崔澄妻澄歿氏年

志守節不履中庭祇事病姑極閻氏 故封邱丞張永正繼室

盡婦道訓其子成名直拾旌之閻氏 正携家赴任三月卒於

官囊橐蕭然氏扶輿東歸所遺敝廬鬻以營王氏 李如金妻

葬撫幼孤艱辛萬狀終始年有史氏 昌邑史欽明女適進士

亡子女俱無孀守六十餘年何復復殉節死氏年二

十四撫庶出之孤艱貞守節姊子孫士懋父母柴氏 汀一仲

並死兵難氏憐而撫之克有成立閭里稱歎

萊州府志

卷十二 列女

守節 庠生戴賈氏 庠生王宋氏 庠生許官氏 柴思相附

下同何氏 彭年妻 新祥妻 翁如妻 繼妻

官氏 河南尹章妻 侯忠妻 崇正 壬申為亂兵所擄憐其

剖其腹 陳氏 二女 其父鐵匠也壬申遇亂母携二女逃難半

而一年十五 小完姐 張汝夏女年十五字何璩被賊劫之上

一年十五 郭翰國妻 崇正 壬午翰國間亂先逃匿亂下殺死

氏 貢生郭翰國妻 崇正 壬午翰國間亂先逃匿亂下殺死

女俱日縊死其長女適姜奮渭亦被劫不屈而死 戴氏 崔

範妻 壬午城陷賊 季氏 崔凝妻 壬午亂兵殺 毛氏 黃登科妻

欲辱之氏 崔氏 廩生李煜妻 壬午 李啟昌妻 壬午城陷

大罵被殺 崔氏 氏聞城陷自縊死 崔氏 夫被殺氏罵不絕口

死 黃氏 庠生陳開壽即墨人也避亂被 冷氏 谷毓 揚氏 津妻

姜氏 李素妻 皆遇亂 徐氏 山家女也歸李三載男發穢為業

夫病瘦奪徐泣歛其夫是夕腐尸自組其裳蘇蘇流血以頭

懸梁斷手握大和狀極慘



王氏 康生張典繼妻夫亡撫前妻及已生子  
孫氏 官枚繼妻  
年十六道

板學子方三月枚死氏養老慈幼永號  
郭氏 久容京師氏奉  
事孀姑杜門不出夜聞夫死百計取骸骨歸葬

之先隴家酷貧不能置嗣直守七十餘年卒  
劉氏 趙學孔  
子而寡子方在抱撫之成立為娶妻甫三載子媳雙亡遺

孀姑復相繼去世氏才身營葬事艱辛萬狀日夕勞  
彭氏 劉氏  
心嫁長號周氏 夫亡守節不阿楊氏 夏士 張氏 彭鈺 劉氏

生為之墮淚 周氏 夫亡守節不阿楊氏 夏士 張氏 彭鈺 劉氏  
妻 劉氏 妻 劉氏

志妻 以 冷氏 王能克妻年十九夫亡悉以所有付翁姑並  
石氏 賈  
上貞節 分內外諸親族欲自經姑力止之婦泣日與

夫訣時業許以死夫死而背 李氏 九水漿不入口志在必死  
王氏 舉入  
家人勸諭高端氏伴應之索食就寢乘間縊死柩

側時當盛暑容色不變州牧為置主入節孝祠 王氏 舉入  
馬氏

萊州府志 卷十一 列女 五

高妾夫亡楊氏 于廣葛氏 可養定妻  
以上烈節

昌邑 元

岳氏 呂義妻義早卒岳年十八生一子自  
警守節撫孤克成至元四年旌表

宋氏 孫評妻年二十評故無子 李氏 幼字孫諤年十五孀於  
氏守節六十餘年旌表 孫時諤已病亟次日即

卒氏仍室女也守節 莊氏 痛生于嗣盛妻盛故未嫁氏年二  
四十年奉古旌之

閩旌 宋氏 典史王允明妻夫故不食 王二姐 王明朝女幼字  
表 三日自縊死天啟元年旌 劉天增 夫死可食定與汝覓一好

會天增故女垂涕徬徨日聞吾姑寡為之養老可乎  
劉天增 夫死可食定與汝覓一好

難之女遂大泣絕粒衆勸莫解父曰汝可食定與汝覓一好  
馬氏 宋錫妻錫幸

婿女日切清風作餅無底錫羹茶吾食矣 馬氏 宋錫妻錫幸  
馬年二十一

是夜縊桑樹下亭間旌之 以上旌表

是夜縊桑樹下亭間旌之 以上旌表



女各一姑夏之馬喚曰生而親之有疑何以生為遂縊其姊  
驚救得免遂毀粧奩不復為飾或曰貧甚守志愈勵姑得  
終養子女齊氏庠生張隆妻怪學喪齊以死自誓及子亡  
亦成立人韓氏王世臣妻世臣以進士官如阜二載卒韓悲  
憐而敬之痛幾絕乃守一歲孤後子亦早卒韓孤苦終  
身血指累黃氏忠宜公次女贅金裝葉清清父鎮交趾清往  
旌其門省卒於交氏服訃不食者數日時年甫十七  
貞守黃氏庠生孫泌如繼妻夫死固終李氏儒童王鉉妻殺兵  
終身難氏諫子讀書貞守而終  
年甫二十撫邇歲孤矢志不移姑染異疾便道無雙年潛為  
涿除不使知藏臭姑欲有所往即身負之而行歷四年無倦  
色鄉里皆稱劉氏庠生某妻遇亂兵入其室與姑潛匿草間  
歎其節孝云一賊搜得其姑將割刃即躍出請代姑賊  
義之捨去孫氏庠生田祐妾遭嫡妻妬虐毫無怨言亂兵起  
始願以全夫婦皆被殺遺孤三歲冒鋒鏑哀求得釋撫  
養成人間里李氏庠生董朝信妻以上貞節王氏棟  
稱其節義夫亡守節下同  
妻正德七年流賊至氏携小兒藏地窖中賊獲欲汚  
之氏不從至威以刃氏罵不絕口賊怒繫樹上解之孫氏女

萊州府志

卷十二 列女

隨母避亂賊遇迫之上馬女不從賊挽之女躍而下復田氏  
携之女復下如是者四賊怒罵女亦怒罵遂支解之

女流賊寇境聞女美徑入其家欲污之不從欲携之去亦温  
不從欲刃之不忍守之三日女罵不絕口賊腰斬之

氏謝文珍妻崇正壬午遇亂史氏四烈庠生史褒明三女五  
夫見殺氏被劫不屈死  
五崇正壬午間城陷俱自縊知州史欽明二女鳳姐適孫某

為庠生王懋之母常姐未字城陷被劫不從並慘刃而死

姜氏庠生姜騰蛟女年十六黃氏庠生李熙妻亂兵至門  
未守壬午間亂自縊  
不絕口同劉氏郝珍妻壬午亂卒殺其夫迫氏徐氏王當妻  
及於福上馬氏大罵不從賊怒碎其尸

辰大饑徐鬻子女以供夫不足又自鬻於販兒得銀以劉氏  
活夫命販兒促徐去行至太史埠徐逸於林中縊死

女許甄庠生某近于歸止三日父山為陰陽生女贖身劉氏  
之山人敢拉君手既而泣曰我將為士人婦而守貞

兒役所執死不餘婉矣遂自縊鄉評重其貞烈才女

尋七歸王四刀猛滅大饑翁姑欲嫁氏為餽口

從有寡少年欲娶之翁姑令其相見其以頭撞地







王氏 屏生邊汝貞妻年十八王德辛未流賊入城徧索婦女

更嚇之使出不知王氏已自縊 賊黨乃汝貞同里人曰何無王氏

氣絕矣賊嘆息而去事聞旌表 劉氏 妻正德六年為賊所執

欲犯之大罵觸石 丁氏 杜珪妻珪卒家無遺資止有瘠田數

畝丁氏撫遺孤力田紡織辛苦萬狀後 屏生 年卒生王

屏守城訛聞城將陷珪呼妻武氏妾高氏子婦高氏 黃氏

及二女諭以大義即同時縊死事聞旌表 以上旌表 魏

節事姑張氏甚孝始終不變年七十卒 王氏 郎恤妻夫亡 魏

氏 陳忠妻 王氏 屏生子翔龍妻崇正 王氏 屏生同朝 魏

母妻避亂步邨氏中道被掠義 子氏 失其夫姓名聞亂夫婦

不受辱大罵見殺時年十九 子氏 逃往近邨夫為亂兵所

殺劫氏上馬氏 失姓氏崇正四年李九成作亂吳橋破

大罵觸樹而死烈女 新城掠一女至濰義不受汚自殺邑人

陳調元 魏氏 魏邦治女號泣自誓願往視喪事父母視其志決

為銘 不許命一二女僕日夜防視比將窆請送葬父母亦不許女

乃水漿不入口者數日偶見牆罅置鴉鼠藥匱取飲遂仆

地不醒醫灌以楸得不死適同里生遣媒求聘父母欲許之

曰女憤悲引刃自剄賴陳乳媪救之又死一日給其父母

女兒前誤今當改圖矣父母信之防之防弛遂 俱大

屏帶自縊死時年十八邑人劉應節為立傳 孫氏 樊氏 俱大

萊州府志

卷十一 列女



相妻杜氏 可崇妻于氏 楊育吳氏 陳塘附姚氏 安邱周氏 以上烈節

國朝

孫氏 李廷斌繼妻夫亡借妾趙氏絕粒三丁氏 孔萬年妻夫

二十五譚氏 杜長珍妻年十九夫亡翁因哭子失明氏孝養

昌死譚與郭姑婦相依與苦守及孫履亨娶于氏未幾又

天于又稱六人時譚年已七十矣三世孀居一門苦節康

六年旌張氏 康熙三十六年旌李氏 貞節妻德妻王氏 陳維

占節 韓氏 丁詒妻貞王氏 韓壽妻夫亡守譚氏 郭汝舟妻夫

二年 李氏 秦之標妻夫亡守張氏 譚洽妻夫亡守牟氏 王廷

夫七守節 高氏 王之佐妻夫亡守唐氏 呂廷結妻夫亡守

譚氏 庠生丁岷妻岷亡無子氏誓以身殉翁姑防之嚴且

萊州府志

卷十一 列女

九

生女氏 乘除翁於意操距夫死未劉氏 庠生王驥妻順治乙

始張氏 止之日吾兩世未亡人正相為命者氏泣從之始

德守節十年姑卒氏日夜撫姑柩號泣惡族欲劫氏嫁之恐

莽如與夫自教子讀書入縣庠日吾可以報夫與姑地下矣

逐一勸而絕膠州姜氏 劉以毅妻年十五適劉舉一子夫赴

姪為嗣撫之成立呂氏 郭封妻夫亡王氏 朱樹 李氏 姚理 裴

氏 譚之 陳四 丁承 李氏 韓世 王氏 郭羸 劉氏 郭羸

郭氏 裴光 陳氏 郭子氏 李德 裴氏 王 黃氏 李盛 王 氏

郭生李 劉氏 丁水 姚氏 徐文 陳氏 李 王氏 陳獻 韓氏 庠生

雨王 李孔忠妻 夏氏 庠生于性妻順治初性學妻季避山

賊而感被擄夏與于 張氏 王來妻順治六年來欲入陳氏



年翁欲嫁之歸詠之兄兄亦欲嫁之氏乃携女投水死  
其子時年二五  
王 氏 張進才妻夫死翁姑勸再醮氏不許  
邑人到潢為立傳  
王 氏 後設計嚮氏於狼阜王標氏聞之即  
大獸為之人于程氏 儒童劉汲妻康熙四十二年夫赴郡應試  
食遂自周氏 儒童譚斯妻夫張氏 儒童王 氏 儒童胡徐氏  
盜死 亡自縊下同 張氏 駟妻 王 氏 承其妻  
儒童夏 王 氏 吏書唐 高 氏 儒童朱 魏 氏 張士 吳 氏 陳 夢 王 氏  
希俊妻 仲妻 譚妻 契妻  
馮廷 吳 氏 劉 氏 郭方濟妻  
馮妻 劉氏 以上列節

膠州

宋

王氏雙女

靖康中姊妹從母避亂為寇所獲寇悅其色欲挾以行女給之日放母還當從汝寇即縱母去二女海而死里人壯其節烈收其屍而埋曰雙女塚

萊州府志

卷十二 列女

元

閻氏 四順妻二十四歲而寡守節終身 事姑舅克盡婦道至元七年崩

明

石氏

年十九適樂鳳越四載而趙氏女 名錢兒年十八正德六年流賊掠掠入皆望風奔走趙在室搗衣自如一賊突入欲犯趙怒樂氏名弱以衣料擊賊尋被賊害知州何繼周上其事旌表樂氏 蘭年十七適馬堂正德時流賊入境以兵脅趙氏 董學妻學故氏氏氏抗聲罵不絕口尋被害事聞旌表 趙氏 哭不絕聲即吞石炭以殉夫家救之得不死越二日 匡 氏 崇先病故氏即夜仍自縊以死時年二十事聞旌表

李 氏 王山兒妻二十六而寡以節自勵敬事姑嫜勤

趙 氏 庠生紀丕典妻丕典故 宋 氏 王一麟妻一麟弱水死

趙 氏 庠生紀丕典妻丕典故 宋 氏 王一麟妻一麟弱水死

氏 強起慰之日姑食氏食哭請加食及姑俯進飲食氏度疾



自縊而 溫妮 蘇州溫如玉女字膠州趙昌祥才及婚

開旌表 從封命母信以為實後又語母今逢七旬 匡氏 庠生張

真母往奠婚旋闔戶 王仰孟妻夫故號董氏 唐麟妻正德

故無子氏守節終 身崇正十一年旌 周氏 汝自經事聞旌表 時避亂唐島

口被執投海 崔氏 靈山衛唐許妻正德中流賊破衛廳羣 史

死事聞旌表 婦而此崔抗不行遂被害事聞旌表

氏 唐越妻正德時避難唐島口賊將 郭氏 冷登如妻娶末期

及投海死事聞旌表 以上旌表 郭氏 年登如慮心疾汚

賊不可近氏朝夕供侍歷久無倦容登如死氏誓以死殉時

道有娠戚黨以大義曉譬之乃止未幾生子氏辛勤教育後

補郡庠 劉氏 適冷遠踰年舉一子未幾達病歿時氏年十九

弟子云 劉氏 以死自誓或語之日爾死遺孤何恃不為爾夫

罪人乎氏乃飲泣貞 張氏 年十七為楊某妻未浹歲而楊死

守教子成人以壽終 崔氏 一遺腹子彌月抱依母氏居務

面要容足不踰 匡氏 夫亡守節下同 周氏 庠生王 張氏 庠

闖者數十年 崔爾 姜氏 庠生崔 紀氏 儒童馬 陳氏 薛子 周氏 韓應 紀氏 趙

妻 兩恒妻 清妻 顧妻 已妻 趙

萊州府志

卷十二 列女

十一

祥 趙氏 姜長 張氏 大學生 郭氏 周應 戰氏 馬陳 朱氏 巨允 陳

妻 崔宗 李氏 庠生 王 曾氏 李慎 鄧氏 令永 蕭氏 郭居 王氏 姜

身繼 高氏 劉宗 靈山衛千戶 宋氏 王修 王氏 陽妻 趙氏 涓

妻 匡拯 欒氏 張恪 張氏 庠生 匡維妻 宋氏 庠生 張厥 蘊妻 崇正

趙氏 別駕 王文昭之繼室也居葛埠鎮李九成時兵亂投水死

高氏 副使高鏞女庠生張梅徵妻也崇正壬午避 孫氏 庠生

徵妻 壬午間 高氏 真生張懋愷妻壬午氏避 宋氏 庠生 莊斯

亂自經死 高氏 亂山中度不得脫投崖死 宋氏 倫妻 壬午

之變氏爾夫妹 張氏 宋瑛妻結補未一載值壬午兵難避於

差遇害時有一少婦衣白失 高氏 庠生宋之曾妻壬午避亂

記姓氏亦被執不從殺之 高氏 海上兵狎至氏投海死其

氏亦隨姑投海死 宋氏 庠生 欒國棟妻壬子氏 王惟寧前







遺有長歌備述滄桑大故悽然有徐氏儒童樂敵妻明辛亂歲被擄氏年十九

餘痛焉萊陽進士周正爲之傳宋并俊時氏年十八事婦姑孝謹備至里黨稱之

子方彌月抱伏草澤中得免順治十年海鎮兵叛氏懼擄毀而斷髮糞土自垢始免於難事舅姑生養死葬甚有賢稱

楊氏庠生高頊妻崇正癸未東兵入境瑛乘舟避難海上尋遇害氏年二十五歲苦志守節撫孤成立膠入賢之

高氏死節鹿邑令紀愨勳仲子之壁婦也之壁故氏周氏庠生年二十三完節而終工詩賦蔭孫人為大傅曾孫殉國後

高蔭祿妻名淑履幼讀書工詩賦蔭孫人為大傅曾孫殉國後家無寸土氏年二十九而寡遺孤三人無力延師躬自教誨

皆爲諸生所作詩歌甚富不以示人獨啜徐氏農家女年十懷草九章膽炙一時苦節四十年而卒

大甫兩月而寡家貧如洗姑爲人傭工以給衣食氏歸依兄家日夜紡績寸積銖累迎姑歸養初翁歿無棺姑歿氏營二棺一殮姑一殮翁骸骨

李氏王煜妻煜故氏撫三歲之孤底合葬高原里人甚賢之於成立爲娶妻未幾孤復病死與媳蔣氏相依爲命苦節終

遂氏郭士紳妻夫亡守節下同劉氏呂妻郭身州牧遊之日雙節婦之門

萊州府志

卷十二列女

氏冷延高氏庠生趙單氏法果潘氏趙業汪氏宋燦張氏庠生贈妻

冷世後妻匡氏高乃周氏宋士冷氏庠生高張氏法楠楊氏鄧可後妻匡妻鄧氏冷朋汪氏王乾張氏徐啟張氏匡謹胡氏妻

葛明誠妻郭氏庠生高沙氏監生高朱氏宋可孫氏于氏劉氏珣妻郭氏珣妻

氏趙履謙尚氏庠生匡郭氏張秉趙氏監生李王氏匡謹莊氏元妻傅氏解元高氏張縉張氏崔景馬氏鄧運王氏汪

氏元妻傅氏解元高氏張縉張氏崔景馬氏鄧運王氏汪氏元妻傅氏解元高氏張縉張氏崔景馬氏鄧運王氏汪

氏元妻傅氏解元高氏張縉張氏崔景馬氏鄧運王氏汪氏元妻傅氏解元高氏張縉張氏崔景馬氏鄧運王氏汪

氏元妻傅氏解元高氏張縉張氏崔景馬氏鄧運王氏汪氏元妻傅氏解元高氏張縉張氏崔景馬氏鄧運王氏汪

氏元妻傅氏解元高氏張縉張氏崔景馬氏鄧運王氏汪氏元妻傅氏解元高氏張縉張氏崔景馬氏鄧運王氏汪

張氏庠生宋賈氏王一姜氏融妻高氏庠生蘇苑氏管丘張氏庠生宋賈氏王一姜氏融妻高氏庠生蘇苑氏管丘



馬氏 營兵孟起祥妻 陳氏 雙女 陳仁女也順治元年土寇

亂竹山賊將及二女擲包裹子之冀自免賊指 高氏 孝廉李

日此女美可擄二女即携子投峭壁月滿下死 高氏 世細妻

逆鐘之變氏避亂遇賊提髮投馬土氏踰身墮地罵不絕口

賊刺其頸而去幸未斷喉匍匐入尼庵家人迎歸日夜啼泣

以高氏 儒童樂瑛妻逆鐘作亂氏 高氏 儒童樂檀妻夫故守

被劫罵不絕口遂為所殺 高氏 節值海時行作亂氏

聞變投井死子狗兒 王氏 高白卑妻順治十年 崔氏 庠生郭

十二歲亦投井死 王氏 聞海鎮作亂自縊死 郭氏 庠生劉重祿妻

聞海鎮作 宋氏 庠生樂昇妻聞海鎮作 郭氏 聞海鎮作亂妻

亂自縊死 宋氏 亂抱兒投環中河死 李氏 庠生夏大章妻

水逢氏 庠生于成龍妻龍故守節值海 李氏 亨父從高相國

死越東計聞象家號泣氏不成見者異之氏曰主為君死舅

為主死何憾為及亨疾死氏亦不成見者又異之氏曰夫為

父死妾為夫死何憾 農家女 失姓氏將嫁婿忽病死女聞

為言詭闔戶自縊 農家女 即投縲自縊順治八年事 高

氏 庠生張喬年妻順治八年夫 張氏 進士雒獻圖妻獻圖南

氏 故氏與妾李氏俱自縊死 張氏 游病卒氏聞訃痛絕冰

萊州府志

卷十二 列女

古

粒不入口者七日誓以必死其同年慰勸之氏曰妾生無為

願與俱行但家貧無以為殮幸購薄木為棺即君年節之不

薄也言訖拂袖而入不復語亦不復哭及獻圖柩 崔氏 高坡

至氏倚門望之撫而大慟安靈畢即入經柩側 崔氏 妻故

故年二十四即欲殉念小姑在室乃少 宋氏 張照妻照故氏

延數月俟小姑出閣之夕即經柩前 宋氏 撫子八載子忽

病故氏號泣不 唐氏 庠生薛竹北妻康熙七年 郭氏 姚五妻

止即夜自經 唐氏 夫客死江西氏聞訃自經 郭氏 東牟民

郭次女也年十九而五故有遺腹恐死以符 法氏 高理妻理

越次女也年遂自經事在康熙四十七年 法氏 故氏年二

十遺孤方三歲氏誓以身殉翁姑責以撫孤大義 張氏 姜濠

始進飲食又三年孤稍長託於兄嫂絕粒而逝 張氏 妻濠

故氏請立後兩兄以無厚產不即許歸寧母 李氏 都統高文

家母憐其年少欲令改適氏即返縊死柩前 李氏 燿之妾農

家女也素耽大義侍文燿疾晝夜調護歷數月無倦容比病

篤氏即絕粒含殮後水漿不入口者四日內服故君輪女也

布端坐而歿時康熙六 寇氏 秀故氏年二十二丑井死尸出

十年二月之九日也 寇氏 秀故氏年二十二丑井死尸出

面如生衣初縫不可解蓋矢死不渝者也知州 楊氏 高蔚

黃之瑞為作墓表詞里進士張謙宜為之傳 楊氏 妻蔚



穆克輔女也蔚欽得勝族踰年不起氏誓以身殉當萌欲  
續時氏乘間投環同日而歿時雍正十二年知州王維色  
墓表同里少司寇張氏庠生高崑之妻李氏趙伯  
王紘爲作碑記張氏夫亡自縊下嗣李氏趙生  
中李天董之薛氏庠生匡王氏庠生李宋氏儒童紀高氏周  
妾高氏王洪張鳳張氏庠生紀趙氏備童薛希趙氏紀  
妻高氏度妻鄭氏儀妻張氏子璋妻趙氏玠繼妻趙氏煥  
妻喬氏江青孫氏匡承趙氏孫籍宋氏王璵尹氏靈山衛儒  
烈懿以上

高密

元

王氏李章妻章故氏年二十六貧苦自守終身人無間言皇慶二年旌

明

萊州府志

卷十二 列女

七

劉氏庠生宮子隆妻正德六年爲流賊所執欲犯之  
德六年被流賊執輿之馬上不從賊怒以刀斷其髮憤而卒事聞旌表  
怒以刀斷其髮憤而卒事聞旌表王喜兒王股之女正德  
之臥廬數月始痊旌表李氏王三妻正統八年被流賊執領  
七滴密邑游豹未一月豹卒李氏監生管嘉社妻年二十五  
女遂無瑕玷張氏庠生周易妻李氏易弟庠生周官妻高氏  
年並無瑕玷張氏皆隨夫而死奉旨旌曰雙烈之門  
盛生管二元妻年二十三夫故晝夜哀號勺水不入口七日舌爛聲啞氣絕而死事聞旌表劉氏夏行妻  
二十九撫養長子入泮次子鄧氏庠生張睿妻崇正壬午夫  
潛攜守節五十餘年旌表鄧氏被殺劫鄧奎海孫抱兒繡  
子相抱不釋事聞旌表以上旌表郭氏營海妻二十二歲  
丐卒家貧無依日拾苦菜自給勤李氏林永康妻年二十五  
歲二子後皆成立里黨共賢之李氏倪順璧妻夫馮  
志李問印兒髮自縊家人斃而救李氏亡守節下同馮  
之產廢前議氏貞守五十餘年卒



氏可劉氏宮尚李氏曹自項氏丁致忠妻雙女失列氏正

賊寇高密追欲執之並投一女穴姓氏正德六年賊擄入府

張魯河黑墓田灣而死一女穴姓氏正德六年賊擄入府

王氏宮上馬投身馬下復曳復投遂支解之馬氏庠午夫被殺

氏推夫尸入池中覆以馮氏庠生李九棘妻壬午孫氏庠生

亂葉尋橫木池上縊死馮氏被劫乘間投井而死孫氏李祺

妻壬午祺被殺孫携李氏李懋森女許字王縊壬午女亦劫

二女以頭觸地死李氏罵不絕口而死時有宿女匿蓬茅

罵賊隋氏趙淮宏妻壬午避兵亂與夫相失抱幼女匿蓬茅

被害隋氏中敵搜得之悅其色執之使行不從敵下騎奪女

擲於地強曳之隋罵射其股罵不絕再射其股隋拔箭折之

罵益厲敵怒斷其臂截其頸而去難民歸語其兄兄夜潛往

收之其女在屍范氏廩生李桂芳妻年二十一夫患癰疾痛

旁猶呱呱也范氏楚難堪乘范不在側自縊范同見夫死

抱尸哀號孫氏儒童李應揚妻年十五適揚時揚患惡瘡三

亦縊夫旁年不起孫奉湯藥不厭後覺揚病重以勇應

試省邸封鎖衣櫃寄鑰付之管氏監生王春耀妻夫故潛服

及揚死乘家衆往廟遂自縊管氏砒毒家人救甦防護甚嚴

萊州府志

卷十二 列女

去

數日給家人以浴扇門隱恐家人竊聽故持木杵攪水管氏  
使伴聲以示不疑良久家人驚覺啟戶視已投縊卒  
胡獻表妻年二十餘夫倪氏孫璋妻夫亡李氏儒童管師孔  
故葬前一夕自縊柩旁節

國朝

鄭氏諸城御史鄭瑜女適高密庠生王文高氏儒童李仙品

夫死自縊娘順治甲申罵賊而死後膺旌表薛氏妻康熙年間

事聞旌表王氏暑月面如生事聞旌表范氏守節值奇荒躬

茹粗糲奉舅姑日供甘旨撫遺腹子薛氏年二十三歲夫

受益成立官至總兵康熙二十一年旌馮氏庠生李繼祖妻

亡遺孤爾立甫四齡族人甚嚴比長有聞於時歲饑命其子

出粟贍族計口而徧給之里人薛氏呂景岱妻偶獨居有強  
皆感歎其賢康熙五十年旌  
精名喊詈被鏃傷額額  
王法學妻年二十鄰有惡少  
王法學妻年二十鄰有惡少  
王法學妻年二十鄰有惡少



氏 年伯氏亡析箸姑以基之苦節且嘉其孝也割田之膏腴者界其子墓謝非受姑以爲賢聽之姑既歿有外孫女年十二失恃無所依慕撫之如已出及長爲擇配嫁之子二長日夔登齋書次曰玫邑 秦氏 日照人適高密單務嗣爲繼室三諸生雍正八年旌 戴夫歿氏年二十六撫嗣孤健思勤篤至前配崔氏未同穴 命子治外棺合附先兆歲凶設粥活饑人閨門整肅族黨無間言雍正八年旌 以上旌表

張氏二女 張永善女長字李菱桂幼字王尊德當前明壬午甲申二難夢桂與尊德先後殉節二女亦終身不嫁邑人比之 單氏 儲童劉毓妻年十八適劉成未及期而夫故前雙女云 單氏 無子繼叔子爲嗣氏撫養成人艱辛萬狀娶婦夏氏越三年而子又粗亦無子夏死而復甦自是姑媳相依爲命者二十餘年氏病歿喪葬如禮皆夏氏主之鄉閭稱一門 田氏 改嫁氏曰君疑我乎請先君而行卽入室自縊雙節云 田氏 卒仍欲殉翁姑泣諭曰吾年老孫又在襁褓中汝死衆室同盡矣氏乃泣受命貞潔自矢苦守三十餘年而 王氏 任士鍾妻事舅姑以孝謹聞士鍾好學旣遊庠以卒 王氏 若不輟遂成疾而亡氏以舅無他子不敢過勤以

萊州府志

卷十二列女

傷其心退則潛揮血淚形容毀瘠無復人色舅爲置 閔氏 儒嗣撫之閨門嚴肅終身未嘗窺戶外戚黨咸敬重焉 王瑞妻 單氏 瑞弟王理妻任氏 瑞姪 王氏 貢生單佃妻 佃遺腹子未週歲而以癩疽嫡妻楊閔其年幼欲遺嫁王曰妾農家女爲宦室之妾畧聞大義矣願老死於此誓不改適揚威其言慰留之 管氏 張子居妻夫 單氏 庠生張終其身無間言 管氏 亡守節下同 單氏 瑣妻 王氏 祿妻 氏 久妻 張氏 門倉 周氏 閔妻 葛氏 鞠 楊氏 呼良 夏氏 儒童垣 項氏 丁某 李氏 儒童單 劉氏 張並 鄧氏 李際 李氏 庠生王妻 廣嗣妻 孫氏 葛英 王氏 培元妻 李氏 馮明 單氏 庠生張皆氏 庠生倪 葛英 王氏 培元妻 李氏 馮明 單氏 庠生張妻 高氏 庠生劉 單氏 庠生張 劉氏 孫惟 王氏 庠生郭 高氏 淮妻 單氏 有孀妻 劉氏 孫惟 王氏 儒童郭 曹同 宮氏 白廷 閔氏 庠生管 馮氏 單 紀氏 儒童傅 高氏 吉妻 欽妻 井氏 呂三 張氏 趙偉 張氏 庠生夏 宋氏 李萬 趙氏 欽妻 井氏 呂三 張氏 趙偉 張氏 延樞妻 宋氏 祿妻 張



氏 仰昌 王氏 張國 正妻 范氏 甄應 張氏 侯喜 趙氏 李法 伊氏 講子

高氏 王隨 張氏 宋嶺 王氏 高儼 單氏 李世 馮氏 張子 張氏 講子

孫氏 單端 夏氏 單伋 趙氏 李旂 秦焯 王氏 韓之 孫氏 林妻 宋

氏 琳妻 李氏 孫明 紀氏 庠生 傅承 李氏 趙實 孫氏 庠生 潘 氏 宣成妻 鄧氏 王嵩 褚氏 單某 徐氏 杜

黃氏 庠生 單 傅氏 宣成妻 鄧氏 王嵩 褚氏 單某 徐氏 杜 氏 龐妻 單氏 儒童 傅氏 履乾妻 傅氏 顧繼妻 宋

張倫 匡氏 廩生 傅 張氏 宋有 潘氏 庠生 單 張氏 儒童 李 氏 孫玉 匡氏 儒童 宋 姚氏 張保 李氏 即姚氏子 沈氏 官生 蔡

沈氏 監生 傅延 車氏 管緒 閔氏 張有 張氏 田毓 傅氏 廩生 蒸 張氏 庠生 趙 李氏 即張氏 隋氏 張堯 孫氏 儒童 單 邱氏 懷

妻 黃氏 立紀妻 張氏 宋祿 張氏 謨繼妻 劉氏 廩生 單 王氏 子某妻 郭氏 台城 宋氏 李世 張氏 龐生 傅 單氏 庠生 傅 夢

張氏 儒童 單 李氏 宋汝 張氏 夔妻 王氏 張其善妻 倪 氏 武生 李正 春妻 順治甲申 爲土寇所掠 投 單氏 庠生 傅 延

身魚池 罵賊 賊怒 殺之 水中 截其髮 而去 單氏 遇妻 遇病 篤單泣 日吾不 恐見君 殿以 滋父母 痛君後 妾先行 矣潛

入室 佃君妻 年二十四 夫亡 懷孕 未誕 日生男 則 馬氏 劉淳 氏 守生 女 吾必 死已 而生 女 遂乘 間自 經而死 馬氏 劉淳

亡氏 年二十一 翁鳴 高欲 嫁之 氏哀 哭誓 守旣 而氏 祖與 氏 翁議 嫁王 姓氏 知不 免乃 給其 家人 日爾 欲嫁 我須 令我 至

政夫 墳一 別哭 祭 李氏 單嘉 歌妻 以 護捕 反日 數年 夫遺 病 孽歸 而自 經寢 室 李氏 日侍 湯藥 比病 劇氏 泣日 夫

感痛 未幾 卒氏 遂自 經而 死 王氏 庠生 胡封 陳妻 夫病 篤諸 之 氏日 不則 從君 地下 且剪 姑方 壯孤 兒可 勿慮 也夫 死

人 齊助 之及 葬畢 從容 埋家 務伺 隙入 別室 自經 時年 二

萊州府志

卷十二 列女

太



後一萬年重器入汗招覆時雖州將學使日尋奉  
卷中忽心動復檢閱是卷若觸手吾不知為何知入似陳  
其母劉烈對學使嘆曰節義之徵盧氏德戎薛受益之妾  
也論學博曰是烈婦兒可善培之微盧氏德戎年甫弱齡  
以劉氏送夫葬撞入穴中二次頭顱破裂血淚交下家人  
扶回家乃稍飲湯水寬翁劉氏亡自縊下同趙氏鄧瑤  
姑意入夜乘隙自縊死劉氏亡自縊下同趙氏鄧瑤  
氏節童李王氏節童曹倪氏孫俱單氏節童張李氏節童趙  
世深妻李王氏節童曹倪氏孫俱單氏節童張李氏節童趙  
萬氏節童管宋氏節童范栗氏節童曹胥氏以上烈節  
節童管宋氏節童范栗氏節童曹胥氏以上烈節

元

宋氏張約妻婦道甚節年十九約卒惟有一子氏矢心守志勤紡織教子成立年逾八十卒至正九年勅旌

明

萊州府志

卷十二 列女

九

江氏庠生解應科妻萬歷壬午應科于氏贈中允周賦妻夫撫其孤萬歷時子如祇官江氏不食死萬歷三十九年旌檢討疏陳母節得首旌表江氏不食死萬歷三十九年旌陳氏江驪珠妻夫故氏變氏太學生藍史孫妻夫歿氏年二崇正七年旌宋氏贈指揮副知黃宗憲妻萬歷時夫歿撫七以上旌表宋氏職道孤孀內外支持守節三十餘年以高終培於黃道周姜球能開元被逮于氏黃相妻相故氏以刀時力為衛護得不死皆母教也于氏贈中拊自誓不嫁柳氏科讀妻夫亡高氏劉仁王氏江一周氏王從黃氏庠生呂袁氏周嘉積繼妻李氏徐從新妻崇正壬午遭亂被灌園人王士秀妻年二十三歲通亂李氏劉佩玉妻遭亂被殺擄抱持馬上且哭且罵支解而死李氏劉佩玉妻遭亂被殺居日夫亦被馬氏孫享宗妻崇正壬午遭兵李氏劉佩玉妻遭亂被適兵於塔下奈被擄為不絕唐氏青州黃協公家人賜銀良且縛於囚剝腹出胎以死唐氏妻也黃扶眷至墨尚是久



國朝

姓家避兵潮陽洞氏見忽歸兵問曳氏自悉索之曰言則  
 生不言則死氏堅不言痛籌之已而抱扶馬上投地數次罵  
 不絕聲兵怒投於洞東洞下兩家俱免江氏 報人張鴻儒妻  
 於難泉感其義即收葬洞側樹石誌之  
 臥病氏許以死殉及卒氏不食四日  
 矣又越七日賊死樞側撫按兩院旌獎周氏南生黃基妻崇  
 守城中流矢死氏聞之同妾劉氏刑部郎中黃宗瑗妾崇  
 郭氏二劉氏皆自縊而死  
 氏廩生宋紹祖妻夫死即欲殉以遺腹姑留周氏舉人江涓  
 之越三日生一女氏日誤我矣遂自縊  
 誓以死從九日不姜氏盧志馨妻馨病危氏約同死及黃氏  
 食從容餓死樞前姜氏卒命家人置兩棺即日自經死  
 宮日刺妻夫紀氏劉上王氏廩生周宮氏廩生黃徐氏邱廬  
 亡自縊下同林妻昇妻  
 周氏華仁孫氏廩生宋江氏貢生盧江氏孫光春妻  
 妻德恪妻應元妻以上烈節

呂氏拔貢藍敬先妻夫破京師氏見江氏監生周昌允妻順  
 觀至即自縊死順治十五年旌江氏治閩夫亡殉節旌

萊州府志

卷十二 列女

表劉氏庠生江火珠妻順治江氏庠生王馨妻康熙年何氏  
間夫亡殉節旌表  
 需童周宗濬妻夫故殮畢即投繯解救獲王氏需童祀體妻  
 越二日乃盜死樞前康熙二十三年旌張氏夫亡殉節康

歷二十孫氏贈朝議大夫周效妻夫亡守張氏卒矢志苦節  
六年旌節教子成名康熙四十年旌

撫遺孤成人康周氏江天發妻夫效氏年二十一歲撫二十  
歷五十四年旌九日之孤卒能成立康熙年間旌表

吳氏真定同知黃奎妾奎卒氏年十九遺楊氏副貢黃貞妻  
吳氏 孕生子占回撫守三十餘年旌表繼妻夫亡守

節雍正孫氏撫育四十餘年而終乾隆三年旌王氏屯民陳  
二年旌周宗炳妻夫亡氏遺腹生子苦節

氏病日失明氏父以女替辭婚三義執不可卒娶之居無何  
 替復明康熙甲戌三義客死氏聞乃自縊學使劉謙吉為立

傳乾隆三年旌周氏七歲如妻夫殉國難氏以壽終藍氏劉文耀  
以上旌表三十撫遺孤成立以壽終

五十七日而文耀卒氏欲殉時前妻有三子俱幼姑必矣留  
 之撫南氏遵姑命引刀斷三指置棺中苦志堅守撫三孤

或人王氏東鄉人夫失其夫姓名夫故子幼氏以白布裹頭縫之  
髮際遂不復觸沐勸力操作為活計雖勞屨亦不壞

或人王氏東鄉人夫失其夫姓名夫故子幼氏以白布裹頭縫之  
髮際遂不復觸沐勸力操作為活計雖勞屨亦不壞



後十餘年為子娶婦始創有積...

元蓋脫無可柶者自是賊黨聞始見笑語焉紀氏趙州人

起氏有二子方週歲抱之避樓上賊從火焚樓氏抱子投樓

下傷足不能行子落火中賴樓救之得不死而所竟遇害

兵火之後屢遭凶荒家業蕩然氏日夜紡績

上養翁姑下撫孤子苦守四十餘年而卒

歲夫故撫子志成立娶媳江氏生子永斯江亡繼媳紀氏

年二十二歲志又卒遺孤十歲姑媳共撫成人一門雙節

邑人周毓孫氏潘瓊繼妻農人孫乾女年二十適潘甫月餘

正為立傳孫氏潘瓊暴疾遂埋瘞處四月潘故氏養老親撫

前女孝慈備至凡劉氏玉麟卒繼延麟子文价為嗣踰年延

歷十七年而卒麟亦卒二劉年皆二十餘乃矢志貞守共撫一孤家極貧每

寒夜孤檠紡績課讀後子克成立兩孫相次入洋皆賢母之

教呂氏藍啟藥妻夫毛氏江永灌妻周氏肅妻孫氏德裕妻孫氏

世妻吳氏孫墨周氏胡世孫氏藍渡潘氏劉文藍氏刁廷王

孫士黃氏岸生藍王氏徐文基妻于氏胡國運啟妻侯氏

毛天藍氏黃鍾孫氏岸生周審氏紀傅于氏曲應黃氏監生

佩妻江氏孫引祥沈氏黃坡李氏岸生周王氏江巖楊氏周宸

妻黃氏岸生周畢氏樂現張氏康茂趙氏貽穀妻江氏孫丕訓

姜氏岸生周知縣孫魯氏元妻楊氏王繩遲氏岸生江才

氏孫貽秦氏孫延甯氏岸生周呂宏韓氏孫安楊氏岸

孫澄周氏王從史氏藍敬趙氏舉人孫王氏岸生焦允迪妻

黃氏岸生宋德舒妻骨痛父歿哀毀而卒氏比夫死已絕粒

二十安氏劉氏錦衣指揮黃培妻也崇正未聞賊陷京師

至家劉黃氏周力滋妻年二十一夫故氏欲殉翁姑因其有

亦自縊黃氏遺腹泣血之月節生女其妾生一子翁姑命撫

之氏勉聽從越三月有謀奪兵節孫氏李淳妻淳業儒崇正

名氏聞遂自縊時順治二年一月孫氏未死於兵氏年二十

泰州府志

卷十二 列女



一子苦守六年子芻語姑曰兒昔不死為李氏

六姜氏李才聚妻才聚鄉民家貧無子死二十日即葬氏

六年張氏庠生解攻妻攻故氏年二十二欲殉之翁曰吾不

地乎指其衣飾語母曰此解姓物也遲氏朱文通妻嫁時孀

不可動遂自縊時順治十六年七月

有幼女方六歲囑氏撫之氏朝夕訓誨殫精竭慮未幾姑亡

大亦相繼歿氏欲殉以姑女尚幼不果後數年擇配嫁之曰

吾可以下報吾姑矣遂自縊

時卒二十八年康熙六年事趙氏牛希昌妻夫死念姑老未

啖姑欲奪其志氏聞孫氏賣油人徐練啟妻也疾卒氏年已

遂自縊康熙十年事

殉時康熙年事焦氏崔承開妻家貧夫婦各出乞食康熙二十七

二十三年見夫死即自經族人葬之

邑人為建表立碑以志焉賈氏方文林妻年二十一夫歿

死及葬自投於壙又被抱持不得死舅姑知不可留送之歸

至母家談笑自若母竟不疑托如廁良久不迴尋之已縊死

萊州府志

卷十二列女

五

於牛欄矣時康熙周氏王超妻超卒姑以其年少欲嫁之氏

節紡績養姑二十餘年康熙甲申饑家無穀石悉以林氏劉

奉姑而自以野菜樹皮餬口及姑歿越三日遂自經

傭工者妻也年十五夫故乃詣主人日前受直穀一斗食二

升矣有黍二升可償主人憐之不受氏正色曰吾夫婦義不

欠他人債肯為人作牛馬耶主人不得已受氏

之次日即自經以殉時康熙四十四年四月江氏設有二子

於其兄居二年兄以其少也議嫁之氏聞遂至蘇墓仰天長

號自投灣中以死王氏周有傑妻瞽人之氏茂之女也夫故其

事氏夜持菜刀自刎頭已斷而身不仆潘氏史琬妻以賢淑

血濃四壁康熙四十五年十二月事

湧出既成喪氏遂投縲死時康熙五十五年五月

學使者旌其門子氏農氏姜成妻年十五歸成二年成出外

尚床積歲氏待湯藥日夜不懈成卒

含殮畢即以身殉以殉時雍正元年八月



置女於其懷只曰伯母汝母也子不汝顧矣至夜半整及盤  
坐自縊以殉時 潘氏 農時女年十八問之涕泣不可陳未娶而  
年二十二歲 強以湯餅輒匿他所遂嚴防之越二日忽言笑如常得母  
衣河濱沐髮潔首歸取麥苦一領毋詢之曰曠作厨具耳  
匿繩逸後圍掛樹而死竟以麥苦藉屍 趙氏 農家女數歲時  
時雍正七年六月邑人王肇祥有傳 趙氏 許字周握握流  
寓京師十餘年絕音問父母欲嫁之誓死不從聞夫家嫂氏  
孀居往為久之姑不能容遂不食而死邑人周細有趙氏  
女張氏 孫崇妻崇赴京十餘年客死 王氏 庠生藍永壽  
傳張氏 父母逼令改嫁氏自縊死 王氏 妾夫卒殉節孫氏  
王賤如子憲徽妻徽卒氏年十九將殉戚族諭止之氏曰我  
誰氏之婦誰氏之女而貪生乎方投環聞姑邁危疾急往救  
姑始愈遂從容 王氏 王賤如女適庠生孫應中夫亡以死自  
自縊於柩側 王 誓或止之曰吾王氏女也不可以負吾  
父即日自縊以殉邑 孫氏 年孤又歿乃縊而死 黃氏 庠生  
令釐其門為詩弔之 孫氏 年孤又歿乃縊而死 黃氏 庠生  
春妻夫亡殮畢從容理葬事作兩穴奠櫬以 崔氏 紀容生妾  
從夫就窆自縊死時順治二年四月十一日 崔氏 容生故絕

萊州府志

卷十二 列女

垂

食飲八日自以 楊氏 劉增妻增亡氏年十八欲殉翁姑泣留  
祐壓胸而死 之且日吾貧不能備兩棺氏日從夫地  
下卽藁葬亦甘心 黃氏 自縊下同 孫氏 姜從 張氏 孫貞 楊  
焉遂自經而死 黃氏 自縊下同 孫氏 周妻 張氏 理妻 楊  
氏 孫日 張宏 周氏 江兆 孫昌 姜氏 孫道 孫氏 周祚  
休妻 周氏 松妻 鑿妻 盧氏 祚妾 姜氏 孫道 孫氏 周祚  
姜氏 庠生 孫 周喬 王氏 江兆 張氏 庠生 黃 吳氏 劉珍 江  
肯構妻 孫氏 鑿妻 周氏 自復妻 吳氏 劉珍 江  
氏 李爾 林氏 樞繼妻 遲氏 黃爵 甯氏 庠生 江 郭燦 劉氏  
炳妻 樞繼妻 遲氏 黃爵 甯氏 庠生 江 郭燦 劉氏  
寧廷 藍氏 朱 于氏 沙勝 藍氏 庠生 單 劉氏 萬承 韓氏 華楷  
懋妻 藍氏 朱 于氏 沙勝 藍氏 庠生 單 劉氏 萬承 韓氏 華楷  
韓氏 萬世 欒氏 常復 李氏 王廷 孫氏 楊中 劉氏 欒鏡 汪氏 孫  
信妻 欒氏 常復 李氏 王廷 孫氏 楊中 劉氏 欒鏡 汪氏 孫  
崑 高氏 董守 王氏 藍仕 璋妻 孫氏 激妻 劉氏 欒鏡 汪氏 孫  
崑 高氏 董守 王氏 藍仕 璋妻 孫氏 激妻 劉氏 欒鏡 汪氏 孫  
黃世 呂氏 庠生 江 劉觀 范氏 周乃 王氏 庠生 楊 孫氏 于  
亭妻 呂氏 庠生 江 劉觀 范氏 周乃 王氏 庠生 楊 孫氏 于  
妻 張氏 孫錫 張氏 孫晰 辛氏 宮可 李氏 孫 劉氏 孫 劉氏 孫 劉氏 孫



氏于全苗氏許松張氏孫祖王氏陳常于氏梁有劉氏子死

陳氏王登黃氏屈亨金氏姜聯孫氏姜恩闕氏姜孫氏泐

王殿黃居王氏張宏劉氏楊永董氏劉進黃氏江湖

氏孫亨王氏姜守崔氏尹不孫氏楊著孫氏劉侗劉氏紀承

附楊氏萊陽王郭氏庠生延獻女適喪母事繼母以孝謹稱


日夫暴病七日而殂彌留之際氏捧其首而泣日妾六日新

婦周辨東西君既迎我來還當偕我去廩少俟之及卒乘隙

鍵戶自經死時年二歲以上烈婦

萊州府志

卷十二 列女



才疏

...

...

...

...

...

...

